





撫吳公牘卷之二十六
豐順丁禹生侍郎原本
侯官沈幼丹尚書評選

受業林達泉校刊



齋印

批常州府詳靖江陳前令誤拏之吳錫珠請遞

回管束由

查吳錫珠既據訊係疑賊誤拏。仰卽復訊明確。遞籍交保管束具報。至該令於前任移交無辜被執之人。並不早為確訊。始則任其年久羈禁。繼亦照案率請正法。實屬草菅人命。可恨已極。姑從寬記大過一次。以示薄懲。除咨行註冊外。並卽認真察看。轉飭遵照。仍候爵閣督部堂批示。繳

加函

撫吳公牘 卷之三

一

此案若不再三推求。弁派員覆審。吳錫珠豈不身首異處乎。各州縣稟請就地正法之案。所以不能使人無疑也。天道好還。人命至重。豈可揣摩上司之好惡。殺人以媚人哉。近日山陽縣稟請將田星沅就地正法。第因其情節頗多可疑。遂卽飛札往阻。乃札到之前。一箇時辰。該令已逕稟漕帥批准正法矣。旋接秋亭稟覆。確查田星沅並非在事犯人。不過該令因供詞內有曾當營勇四字。遂令李代桃僵。不知若輩曾為

國

家出力。豈可以其一稱勇丁。遂草薙而禽獮之哉。飛阻之札。若使早到一時。尚可保全一命。念之痛心。不淮就地正法之案。雖已通行。仍恐尙有效尤。務祈尊

虎遇有似此之件。嚴加批駁。若文件先到敝處。弟亦必飛札駁飭。總之驛站必能如期。公事方免延誤。此弟之所以亟亟整頓驛務也。

札飭重甯慧因兩寺田地撥作養濟院經費。

爲札飭事。照得揚城北關外有重甯寺。慧因寺。於雍正乾隆年間。經淮南黃仁德等捐資創建。招僧住持。兩寺共佈施田地一萬餘畝。迨兵燹之後。殿宇傾頽。重甯寺僧海雲現僅師徒三五人。慧因寺亦僅師徒二人。坐擁多田。殊非昔日佈施善意。況前經御史陳奏各處寺院。自遭兵燹。毋庸重建。欽奉諭旨。飭遵在案。該寺僧廟既不脩人口又少。無須如此多田。查揚城克復至今。只有立貞堂照舊。此外保赤堂。

撫吳公牘

卷之六

二

集英堂。暫棲所皆已廢墜。因之貧民漸多。必須選派公正董事。設立養濟院。將鰥寡孤獨。一概收養。冬則施送棉衣。夏則施茶送藥。兼捨棺木。以免暴露屍骸。其鰥寡中有子可以讀書者。亦必爲之建設義學。所需費用。爲數較多。應將重甯慧因兩寺院田地撥作養濟院經費。仍每寺留田若干畝。給該僧衣食之需。所收租籽。按月開銷若干。呈報地方官存案。如果董事認真經理。毫無侵蝕。年終卽由該地方官轉報查考。以憑酌獎。合行札飭。札到該府。立卽遵照分別查明辦理。務期事歸實濟。仍將遵辦緣由。妥議章程具報查考。切切特札。

加函

韓歐二公立意闢佛。我輩固無此力量。然目覩僧徒坐擁厚貲。逸居無教。不爲認真淘汰。問心亦難自安。梅花安定兩書院。田租不及千畝。一切經費。尙是第在運司時。由鹽釐二處設法挹注。乃可勉強敷衍。今重甯慧因等寺。田多如此。書院善堂。田少如彼。如來太富。洙泗太窮。未免苦樂不均。況自兵燹之後。僧徒大半還俗。今仍有如許良田。動人覬覦。無賴之徒。勢必廣邀不耕不織之民。多人無父無君之教。亦未嘗非人心風俗之憂也。除該二寺有餘田畝。業已另牘請充善舉外。此外倘有似此田多僧少之寺。亦可一律撥充書院。及各善堂經費。但董事務須選擇得人。

撫吳公牘

卷之三

三

方免仍歸中飽否。則供董事之揮霍。與供僧徒之揮霍。厥咎等耳。我輩又何必厚彼薄此。多一番經營哉。養濟院義學各章程。務望核定。見示義倉。所以防水旱。備不虞。倘有餘貲。亦望留意及之。尤所切禱。

海門廳稟訟棍陳錫光避匿訪拏由

據稟已悉。陳錫光爲該處著名訟棍。恐與差役聲息相通。現已確查。先行避匿。仰卽不動聲色。趕緊購線緝拏。以憑嚴辦。毋任縱延。切切。繳

飭禁背娘舅并挖取堤岸石塊

爲札飭查禁事。照得蘇常一帶。近多外來遊民。皆清淮山東安徽人氏。或搭蓬居住。或艍船棲身。良善者。小本營生。玩法者。每於冬令。遇有孤客。獨行曠野。或

打閩棍或用索套頭倒拖名曰背娘舅待其昏悶剝取衣物偶有氣絕拋之斷港或以浮土掩埋死者之家無所控訴有司亦難周緝此等匪徒實屬慙不畏法又有貪利者挖取塘岸堤腳石塊石板並於僻靜處搬取坍塌敗牆磚塊石腳裝運上海變賣得價甚厚日積月累胡所底止巡快地保視爲無關緊要不免受財故縱恐日久岸腳控鬆散石滾入河內始則撞破船隻繼則淤塞河道終則有碍圩田攸關國課亟應分別嚴行查禁以儆將來合行札飭札到該府立即通飭所屬一體遵照分別出示嚴行禁止仍即明查暗訪設法拏辦以期懲一儆百并將遵辦緣由具覆察奪毋稍玩違此札

撫吳公牘

卷之六

四

札蘇州府

批沙洲總局稟請將沙洲辦有成效之江陰常熟印委記功獎勵由

此次辦理沙洲繳價補課全在各印委黽勉趨公上

國計下恤民生始終耐勞於公有裨者方准給獎今據稟請將江陰常熟印委各員先行分別記功惟現在辦理尙無成效未便遽准仰俟一律竣事察其實心真能爲民除害兼裕

國計者自當破格從優獎勵不僅記功已也仍飭趕緊妥爲辦理剋期蒞事切勿違延並即錄批補稟爵閣督部堂查核繳

批蘇藩司詳楊周二令領解京餉無誤請給外

獎由

查現據該司詳定新章。委解銀兩赴別省回銷無誤者。應分別程途在二千里以外。至三千里者。准給勞績本班挨委一次。今據該司詳請將領解京餉之楊周二員。各給予勞績。前班班拔署一次。核計蘇省至京程途二千六百七十里。雖與現章不符。惟京餉與外省協餉不同。姑准註冊飭遵。此後凡解京餉無誤者。俱以此爲例。仍候節閣督部堂批示。繳。

韓振鉞控案未列月報銅山記過由

爲札飭事。案據銅山監生韓振鉞。攔輿稟控黃士宣率衆耕毀伊伯韓孝治田禾等情。前來當查此案銅

撫吳公牘

卷之三

五

山沛縣均有控案。何以該縣等詞。訟月報冊內均未開列。卽經札行徐州府。飭查該二縣此案。因何未經造入月報。是否疏漏。抑或有意隱匿。飭令據實聲覆。去後。茲於八月初七日。據銅山令申稱。遵查此案。於同治四年閏五月十一日。據監生韓孝治。在縣呈控。生祖買韓姓宅基地畝。黃士宣叫劉貴樸。向說伊地短少。要耕生地。作抵。未允。觸怒。硬將生種秫禾耕毀等情。當經高前令飭提堂訊。未結。諭候覆訊。察斷。六年四月初三日。據監生韓振鉞。赴府具呈。奉抄。速提訊詳。又經高前令催提未到。卑職抵任後。並未據原被呈催。復經查案催提。迄無一名到案。因卽歸入上控積案彙詳請銷。是以月報冊內。未經列入。合先查

案申覆鑿核等情。到本部院。據此。查此案既經韓孝治韓振鉞等。前在府縣呈控有案。因久未呈催。由該令任內歸入積案。詳銷亦應彙八月報。聲明註銷。緣由以憑查核。何以匿不開列。殊屬玩違。應將署銅山令記過一次。以示懲儆。合行札飭。札到該司。立即遵照。註冊飭遵。並即通飭各屬一體知照。毋違。

札江藩司

加函

目前各州縣詞訟。均已飭令列入月報。凡已結未結。註銷息銷之案。一目了然。其訊銷息銷不及成數者。各定處分。該牧令等無所施其泄沓之技。是以商囑幕友書吏。每日捏造錢債口角鬪毆細故。無關痛癢。

撫吳公牘

卷之五

六

之案數十起。作為訊銷息銷。以圖記功。其實在之疑難案件。必須勞心費神。然後能結者。輒皆隱匿不報。以圖免過。該牧令等又恐隱匿不報之案。或被百姓上控。露出破綻。因而賄囑院司代書。凡縣中有案而未列入月報者。開單知會。令勿代遞。所謂一法立一弊生。我輩愛民之初念。竟成作偽之具。文良堪浩歎。卽如韓振鉞此案。當攔輿遞呈時。曾經面詢。何以不遞期呈。據該監生供稱。屢次逢期具控。代書輒以不合狀式為詞。不肯蓋戳。又詢以曾在地方官控過幾次。據供曾在銅山控過四次。沛縣控過三次。徐州府控過二次。并將呈批送閱。而查該府縣月報。並無此案。衡以匿案不報之咎。立即叅撤。該令亦復何辭。惟

查該令等操守均屬可靠亦復有志向前且到任不及數月因二卵而棄干城未免可惜是以做處公牘中未將隱匿全情和盤托出又恐各縣似此作僞者尚多故不得不據稟記過仍祈尊處據文通飭庶各款令咸曉然於作僞之不能持久也然此案非靠攏與不能破發是則攔輿收呈一事或亦求通民情之一助也是否有當敬以奉商

批銅山縣詳委驗范寶華在押病故由

仰按察司卽移徐海道核入正案議擬詳辦並行該縣知照關傳屍屬領埋查范寶華係前經批道親提未經審定之犯交該典史衙門看管病故雖據驗明訊無看役凌虐情弊而疎忽之咎究屬難辭應比照撫吳公牘

卷之三

七

監犯例將署銅山縣知縣銅山縣典史各記過一次以示懲儆除札江藩司註冊飭遵暨咨爵閣督部堂外並卽知照

批桃源縣詳獲匪尹開太訊認圖財謀殺丁學

保身死一案正法由

該犯尹開太尙係上年就獲該縣當時並不訊供通詳卽行稟請正法已屬草菅人命卽就現詳供詞而論尹開太揪住丁學保胸前將其揪倒是死者仰面在地王三虎與該犯用刀向砍何能傷及合面右後肋髮際等處據供下留情節既屬支離果否圖財害命亦未可知所稱夥搶劉廷俊等家計共幾案曾否勘驗這詳錄取切供另行詳報均未敘明該犯究於

何時處決。前此既未經通報。現詳亦匿不聲。敘種種
狠心辣手。實堪痛恨。該令已因另案。

奏。仰按察司卽飭現署令密查尹開太是否致死。丁
學保之正兇。果否圖財謀命。有無聽糾。夥搶劉廷俊
等家之案。曾否勘報。究於何月日將該犯正法。據實
通稟察奪。一面勒緝逸犯王三虎。務獲究報。仍候
關督部堂批示。繳。

批震澤縣稟平望嚴墓二鎮設塾開課由

該縣平望嚴墓二鎮所設義塾。應需經費。除由該令
首倡捐廉外。其餘或由董事墊濟。或向善堂借補。只
可暫濟目前。恐難行之久遠。他日欠項累疊。勢必中
輟。應令各籌定款。俾資經久。仰蘇藩司轉飭遵照。查
撫吳公牘

卷三六

八

明地方向有公款。或賊毀不列祀典。庵廟廢產。一律
清出。分撥各塾充費。妥議收支章程。課讀規條。同前
次批查之震澤鎮頤塘書院暨社學經費。如何籌撥。
一併查明具覆稟詳立案。並飭催湖濱董事趕緊一
體舉辦。毋遲。此繳。

札飭巡查章程

爲札飭事。照得蘇城地方。人煙稠密。商旅駢闐。歷年
舉辦冬防。卽經添設委員。分段協巡。在案。現在西北
軍務一律肅清。大營凱撤。遣散勇丁不下數萬人。雖
經費遣回籍。而從中游兵散勇。無所歸束者。亦復不
少。地方無業游民。因而互相勾結。連爲匪徒。肆行竊
劫。現在時屆深秋。訪聞城內外居民。已有被竊之事。

省城尙且如此。外縣可想而知。若不嚴密梭巡。恐將來不免釀成劫案。自應較上年早派段巡。並通飭外府州縣。無論城鄉。一體設法巡緝。本部院現經酌定蘇省巡查章程五條。應飭所屬參仿酌辦。合亟鈔章札飭。札到該司。即便轉飭各屬。實力舉行。其有應行變通辦理之處。因地制宜。或未便以蘇省章程一律相繩。除省城照章飭遵外。所有外府州縣。卽由司飭令互爲增損。確擬妥章彙報查考。總期宵小無可潛藏。閭閻得以安堵。是爲至要。

合札 蘇藩司

酌擬巡查章程

一城內外巡查。宜多派段員也。長元吳三縣界內煙

撫吳公牘

卷之六

九

戶稠密。五方雜處。固易藏奸。而冷僻小巷。尤易窩頓匪類。是當分設段落。長巷以一巷爲一段。短巷以兩處爲一段。每段各派一員。由本部院於九月初一日起。分派親兵協同城守兵役。隨同巡查。委員各按段落。細心巡察。何處犯事。先將該管印委文武各員。分別議處。仍勒限緝捕。逾限不獲。一併嚴叅。如果始終勤奮。地方一律平安。亦分別從優獎敘。

一大小街巷木柵坍塌。宜分段葺修堵築也。查舊時木柵。今已坍塌。卽間有數處存留。木料亦多朽腐。其空廢基地。更屬四通八達。盜匪乘機竊發。一無攔阻。可以來往自如。今議按段設立柵欄。應修者

趕修完固未設者趕緊建立。所有廢地坍塌若不
截堵。雖有柵欄亦復無益。應就地拾取磚瓦。堵築
短牆。高以一丈爲率。其應設應堵處。所於派定段
員之後。飭令先將本段內何處應設柵欄。何處應
堵坍塌。約計工料若干。開摺呈由臬司核定。咨由
藩庫籌款給發興工。工竣之後。委員驗收柵欄。自
二更以後。卽行上鎖。非緊要公務。及延醫接穩等
事。不准擅開。仍由各段委員。不時巡察。儻夜深猶
未鎖柵。或地保更夫擅離柵守。以及無故放行。均
卽嚴究。

一各段舖戶居民。宜抽派協巡也。大小街巷。多至千
百家。少亦百十戶。十戶一甲。十甲添雇更夫兩人。

撫吳公牘

卷之三

十

一甲派出值夜一人。十家共設一牌燈。寫列堂名
店號姓氏。輪值某家。則將牌燈移至某家門外。每
夜聯絡鄰甲所派值夜之人。督飭更夫。巡行柵內。
十日一週在守夜之人。守一夜而九夜得以安寢。
一月不過三夜。似亦不覺其勞。設遇有警。卽將更
鑼亂鳴。他處輪夜之人。一聞鑼聲。隨同段巡委員。
往該處兜拏。其未輪值各戶。仍各出一人。隨便持
取器械。守立自己門首。門懸一燈。層層排列。不得
亂步。以免黑夜中自相鬪擊。並免盜賊聲東擊西
之弊。能獲賊者酌賞。至油燭等費。及添雇更夫工
食。爲費無多。應由各居民舖戶自行出資辦理。官
不與聞。如抗不遵辦。由甲首報明段員。分別查究。

所有城內外公館紳戶一律編入以昭公允惟營弁公館則另行抽出將舊在何營當差現在有無事業是何籍貫開具清摺由總巡委員彙送本部院查考

一城內外客寓煙館及空屋破廟宜嚴密稽查也盜賊藏身自必有所窩頓各處客棧應由縣分給循環印簿令將所住之客是何姓名籍貫逐一註明每日傍晚將印簿各分各路循去環來送總巡委員稽考晚飯後由段員親至客寓按名查點錄出歇客名單送交總巡查驗單簿不符立將該店封閉第須委員親查不得諉諸差保致滋弊混煙館起更時即須押閉並不准留客歇宿空屋破廟無

撫吳公牘

卷之六

十一

人居任一律堵塞仍隨時督飭甲長悉心訪查遇有形跡可疑之人立即查究如有差保家丁需索滋擾惟該委員是問

一巡段各員無論晴雨必須徹夜在段也向來段員往往於起更時即行上段不過於所派地方週歷一次旋即回寓及至宵小肆出委員早已安寢以故歷年無不派員巡段而竊案仍復不免今本部院擬將某段派委某員登立一簿蓋用關防每夜另派委員二人執持印簿分上下半夜輪班查驗每到一段令該段員於銜名之下親自畫押一夜兩次於次日開轅門後呈送本部院查閱如印簿上無委員花押即係並不在段巡查行司撤委該

員設有感冒不能赴段許卽覓人代巡但須稟明
總巡其有病至十日者由總巡查明代巡之員如
果認真卽委所代之員接辦否則詳請改委

韓振鉞控案未列月報沛縣記過由

爲咨會事八月初七日據署沛縣知縣申稱轉奉札
據銅山縣監生韓振鉞稟控黃士宣率眾耕毀伊伯
韓孝治田承等情查此案銅山沛縣均有控案何以
該縣等詞訟月報冊內均未開列似此遺漏者尙不
知若干札飭查明具覆等因轉行到縣遵查並無韓
振鉞控案惟前縣任內先後據王忠沿等以韓孝純
等侵佔伊田兩次具呈前縣因無契據黏呈均經批
飭檢契明白另呈嗣後絕未據來縣具呈是以本年
撫吳公牘

卷之六

三

詞訟月報未經開列委無隱匿情事申復到本部院
據此查王忠沿等控案既無復呈何以不卽照例將
案註銷實屬錯謬應將該縣記過一次以示薄懲除
行江藩司註冊飭遵外相應咨會爲此合咨貴爵閣
部堂請煩查核施行

松江府知府楊守患病難痊請委員接署開缺

調理由

松郡政務殷繁清訟正當吃緊現在修築華亭海塘
又值緊要之時在工人員尤須該守隨時赴工督率
據稟患病難支自當力疾從公一面趕緊醫調未可
中道自餒也仰蘇藩司轉飭遵照仍候爵閣督部堂
批示錄報繳另單存

加函

上年年終考語。爵相於高章楊三君皆有微辭。故奉密查。雲甫爲守卓卓。固宜保全。卽章楊二人近來隨辦清理詞訟。正在得力。豈可遽換生手。以前操守如何。第一等好官。比以此意商之。爵相回信。謂高考係客氣。未除尙易聲說。楊章則關心術操。守頗難措辭。如果真是清訟得力。則由敝處爲之轉圜。躊躇再四。人才難得。已至稿具。疏力爲剖白。爵相亦已畫諾矣。楊守近日屢請開缺。想知前事而不知後事也。務祈面囑從此立志做好官。好人將所屬積案幫同清理完竣。不必遽存退志。庶不負鄙人區區期望之苦心。做好官難做好人。尤不易也。千萬切懇轉致爲禱。

撫吳公牘

卷之六

三

江震二縣會稟酌擬巡緝事宜由

查蘇松等屬查禁槍船匪徒。前經飭據藩臬司札委邵牧朱令二員會辦。該縣編查保甲。卽可會同酌議。惟陸路固宜編查。漁船亦應編號。應卽趕緊認真妥辦。不得徒託空言。虛應故事。至第二第五兩條所議巡防太湖。業據吳縣具稟。咨請李軍門酌辦。旋准咨復。派船分段梭巡。請飭濱湖各縣各派快船二三隻。幫同巡緝。亦經行司飭遵。應卽會商各縣一律照行。庶免此緊彼鬆。第四條軍民人等拏獲盜賊。獎賞一層。應酌定賞給若干。民方信其不欺。所有原摺隨稟飭發。仰按察司會同蘇藩司一併確核妥議。飭遵具

復原摺仍繳。

徐海道稟復密查豐縣黃典史在任情形由

豐縣黃典史雖無陵虐監犯。收受監費情事。惟緝捕廢弛。違例擅受。實屬有乖職守。未便稍事姑容。應先撤任。咨部斥革。以爲玩弛者戒。仰候查敘履歷。咨達吏部。斥革開缺。分飭江藩司另選幹員往署。飭令黃純熙交卸具報可也。此繳。

豐縣典史黃純熙違例擅受咨部斥革

爲咨

咨請斥革明事。竊照豐縣典史黃純熙。先經本部院

訪聞該員每遇收禁罪犯。勒逼使用。與刑禁人等恣意陵虐。卽經札飭徐海道委員密查究辦。去後。茲於同治七年九月十一日。據徐海道稟稱。委據候補知

撫吳公牘

卷之三

十四

縣陳令馳往查訪。據稱豐縣典史向有進監費名目。視收禁人犯之力量。定監費之多寡。現署豐縣王令自抵任後。聞有此弊。嚴禁不准勒索。所有進監費名目。業經革除。亦無陵虐監犯情事。惟該典史性浮氣惰。緝捕廢弛等語。且前據徐州府朱守面稟。該員擅受民詞。理合據實稟復察辦等情。前來。本部院復查豐縣典史黃純熙。係河南濟源縣監生。遵籌餉事例。報捐典史。儘數選用。同治五年正月。選授雲南羅次縣典史。親老告近。改選今職。六年五月。領憑到省。六月二十七日。任事。既據查明緝捕廢弛。違例擅受。雖無收受監費。陵虐罪犯情事。未便姑容。自應斥革。以示懲儆。除行司撤任外。相應查敘履歷。咨達爲此合

咨貴部請煩查照。斥革開缺施行。再所遺豐縣典史員缺。雖應歸部選。江蘇省現有應補人員。應請留外。俟奉准截缺後。另行遴員請補。合併聲明。

咨吏部

任事云云。除咨達吏部斥革開缺外。相應咨移。嗣為此

合咨移貴部。科煩為院請煩查照施行。

移吏部
咨河南撫院科

揚州關詳請仍准填給執照。免其復用紅單。由查前准大部議奏。行令體察情形。照舊填用紅單。係通行各省關口之件。今該關詳請仍用執照。未便遽咨。自應查明本省各關辦理情形。再行酌定。仰候將戶部原行一併鈔發。蘇藩司會同上海道確核妥議。撫吳公牘。卷之六。五。並移詢准宿關查復如何辦理情形。由司詳復察辦。另行飭遵繳。

札發江北錢糧章程

為札飭事。同治七年九月初一日。准爵閣督部堂曾

咨復本部院酌擬江北各州縣廳錢漕徵數章程條款。飭據該司詳加參酌。逐一加簽登說。並由司分別開造銀米各冊。併擬規條數則。以備采擇。詳復核商等情。咨商酌核見復。俟新任馬督部堂到任。再行會核定案。通飭遵照等因。到本部院。准此。查江北情形。本部院本不熟悉。復核該司加簽各條。甚為妥洽。合將原擬條款章程。司冊鈔咨札飭。札到該司。立即酌定成章。就近稟商。爵閣督部堂暨馬督部堂裁奪。

辦理仍卽具復現距開漕較近似宜及早定章通飭遵照俾百姓知所適從也

計鈔咨併發條款章程司冊五本

札江藩司

咨督院

通飭註銷詞訟各案未便假手差役由

爲通飭事照得各屬詞訟各案如有原告兩月並不投審察核案情細微自應照例註銷當經通飭各屬遵辦在案第註銷各案應由各州縣自行隨時酌核辦理未便據原差以某某外出等語卽行查註茲查江都縣月報冊內開除項下註銷各案有由原差具稟請示者是係權歸差手辦理殊欠認真誠恐各州撫吳公牘

卷之三

六

縣亦有此弊合行通飭札到該某立卽遵照嗣後註銷訟案務當自行酌量案之輕重應銷者銷應審者審切勿寄耳目於書差使藉此爲訛錢之具也仍將奉文日期及遵辦緣由申報查考毋違

札江兩屬各府州廳縣

撫吳公牘卷之二十七

批蘇藩司會詳核議禁絕槍船收繳器械一案
章程由

查核所議章程尙屬周妥。惟第五條責令紳士公舉村董專司稽察一節。紳董最難得人。總須官爲督飭。免滋流弊。第六條內許各紳董密行舉訐一層。亦可不。必。其兵燹以前之槍匪。如能改過者。應卽一概免究。予以自新之路。現經本部院另擬章程六條。咨會浙江撫院飭屬一體遵辦。並將現辦情形具奏鈔摺另札行知。仰卽查照另札遵行。繳摺存。

事。事許人自新。便不絕人嚮善之路。

咨行查禁槍匪槍船器械勒令改造銷燬章程

撫吳公牘卷之三

卷之三

一

爲咨行事。照得本部院訪聞江浙一帶槍船。近日民間不敢藏匿。多經改造。或拆卸上裝。或改易頭尾。作爲農船。計已十去其九。祇有一等槍夥。裝取私鹽。自卜小二孛辦之後。亦經斂戢解散。其未改者。投充縣中鹽捕。如江震嘉桐諸縣皆有之。託名官船。張立旗號。每藉緝私名目滋事。窩私販私。無所不爲。充捕者若干船。從而依附者。又不知若干船。昨經鹽局拏獲船械。送府訊辦。而鹽局巡船不敷。亦往往參用槍船。未能屏絕。另有大槍船一種。名曰踏白。雙艙加槳。礮械較備。現在改作客船裝用。其未改者。併充鹽捕鹽巡。槍械雖由地方官出示銷繳。旣未定章。給價亦未嚴立限期。民間愚懦者懷疑。刁玩者抗匿。未繳之處。

尙多或沈水中。或藏僻處。亦有居然留放在家者。烏鎮爲兩省三府七縣交界之所。其西北爛溪塘一路亦未盡遵緞。近如盛澤鄉間東俞家蕩等處。尙有持械爭鬪之事。且尙有槍匪頭目。在逃未獲。如海鹽陳世德及其弟陳全蝠。陳敘慶。逃匿近海方陳埭一帶。濮院沈大林。新塍姚盛期。當中阿二。逃匿近地鄉間。僅祇陳世德之夥。惲寶甫經獲解。此外賭博之所。如新塍近鎮之九里匯。濮院近鎮之廟白。平湖北鄉之趙家廟。嘉興東鄉之中埭桐鄉之莫陵村。海鹽之破石鎮等處。時或有之。亟應分別嚴禁。拏辦。務將槍船器械勒令改造銷毀。以期盡絕根株。而杜後患。除咨浙江撫院一體飭屬遵辦外。合行擬定章程六條。札撫吳公牘

卷之三

二

飭。札到該司。卽委派明幹委員。會同蘇松等屬。及浙省地方官。查照章程。協力嚴密查拏。辦理毋稍玩縱。切切。

札蘇藩司
札臬司

而杜後患。除札蘇藩臬司。飭屬派委。會同貴省地方官。協力查辦外。合將所擬章程。咨請貴部院。請煩查核。是否可資採擇。希卽一體飭委查辦施行。

咨浙江撫院

計黏鈔章程

一查禁槍船。必須先收器械。宜勒限給值。挨次收繳也。查兵燹之後。蘇松嘉湖各屬鄉民。無不製備軍器。以自衛。槍船卽借此名目。以爲劫掠贖之具。

保衛之法。遂成流弊。現在東南一律肅清。民間各項軍器。無所用之。應飭屬一體示諭。寬限兩月。無論水陸居民。將軍器悉數全繳。但期收繳之無遺。不問原物之來歷。應給價值。酌定烏槍每桿給錢八百文。擡槍每桿給錢一千四百文。刀矛等器。每件給錢三百文。銅礮每劬給錢八十文。鐵礮每劬給錢三十文。其價隨時由縣籌墊。稟由藩庫給發。所收軍器。於限滿日彙齊編號解省。可用者交營。配用。已廢者分別銷燬。變價歸款。至收繳日期。由縣按圖曉諭。先令交存各本圖公正董事。暫爲收儲。給與收條。令其遵照縣示日期。持條領價。屆期該縣親赴各鄉。挨次點收。當面照數給值。不涉差。

撫吳公牘

卷之三

三

保之手。每收一村完竣。卽取村董圩保切結。如有私藏私鑄情弊。定卽照例嚴行治罪。知情不首之地鄰。一體連坐。

一舊存槍船宜立限改造也。查槍船形製。頭梢俱尖。受水最淺。行駛便捷。與漁船農船迥異。應以出示之日爲始。勒令一月內自行改造。如逾限不改。一經查獲。卽無爲匪情事。亦將船隻鋸截。船戶加責示儆。並諭船廠工匠。不得再造槍船式樣。違者以私造軍器論。其有從前賊擾時。以農船裝作槍船者。此次旣令呈繳器械。自應飭令拆去蘆蓆艙板。照舊還作農船。不准再有槍船式樣。致滋混雜。

一舊時官用槍船宜先禁絕也。查軍興以來。各處蘆

釐局卡。每用槍船巡緝偷漏。因而各衙門及馬號亦均用之。以圖遞送追躡之便。然在官在民。頗難分別。即使編列旗號。亦復易滋影射。應飭一律撤改雙槳兩櫓快船。或兼用腳划船。以利行駛。其捕快等役。向遇巡鹽緝盜等事。亦間有乘駕槍船。奉票巡緝者。此時既經嚴禁。應由地方官查明。飭令該役於一月內呈報。倘匿不報明。任意駕駛。係屬知法犯法。卽照槍匪治罪。仍由縣將舊時發給槍船緝票。全數弔回。以杜弊端。

一查禁槍船。收繳軍械。宜江浙兩省同時舉辦也。查江浙接壤之區。如嘉屬之秀水等七縣。湖屬之程安二縣。蘇屬之江震。松屬之青浦等縣。向爲槍船

撫吳公牘

卷之三

四

盤踞他處。間亦有之。此拏彼竄。每恃隔省爲逋逃藪。應兩省會委勤幹之員。幫同印官。無分畛域。督飭城鄉各董。實力稽查。限內照章收繳。限外嚴禁查拏。

一船械收收之後。匪類未必盡除。宜水陸編查保甲。以清其源也。查此次清理槍船。著名匪類。固已獲辦。其餘附從各匪。如能改過自新。一概免究。惟地方遼闊。散漫難稽。應逐村編辦保甲。責成印官督率紳董。於各鄉都圖。按戶編造牌冊。如各戶中置有農船漁船者。卽於戶下註明船數。以免槍船影避。仍填明人丁戶口。每十家爲一甲。派一甲長。取具互結。一家爲匪。九家連坐。再將漁船並無陸居

家口者另編牌冊每船編寫粉牌填給戶口船單以十船爲一甲辦法悉照陸路但須嚴禁差保滋擾訛索之弊如此水陸戶口船隻互有查考庶槍船無可潛藏而匪類亦無從託足正本清源之道莫切於此

一船械改收之後立法務期永久宜嚴禁賭博以絕其流也查槍匪以槍船爲巢穴聚泊村鎮演唱花鼓戲招集游手開場誘賭良民因之破家盜賊藉以窩匿其害不可勝言現在甫經懲辦餘匪咸知斂跡然此輩素性侈蕩一時未必歸農旣無恒心又無恒產入於邪僻理有固然卽如嘉屬新塍近鎮之九里匯濮院近鎮之廟白平湖北鄉之趙家

撫吳公牘

卷之三

五

廟嘉興東鄉之中埭桐鄉之莫陵村海鹽之破石鎮湖屬之太湖鄉等處訪聞已有聚賭之事雖不至如從前之盛第不預先嚴禁則揚波扇焰法从玩生勢必仍蹈故轍而地方文武各衙門書差兵役又無不得規包庇應飭地方官隨時嚴禁務須親歷各鄉密爲查察不得假手書差尤不得由分防衙門就近稽查致滋擾累

批泰州稟地方情形由

信而後勞其民該牧到任未久民情未孚現難勸興大工自係實在情形應俟與民稍習卽將此項堤工認真舉辦俾水利漸興農民永受其益卽卽遵照仍候爵閣督部堂批示繳

加函

信而後勞。信字兼有教養二字。在內。今之牧令多係任用門丁書差。事事與民必相拂。百姓或以爲虎狼。或以爲蛇蝎。試問虎狼蛇蝎。百姓肯親而信之乎。惟有清理詞訟。速審速結。巡行阡陌。勸農勸桑。有益於民者。與之有害於民者。除之必使官之於民。時刻痛癢相關。視同骨肉。有癰綿不可解之誼。然後民之於官。視同父兄。師長有固結不能捨之情。參一分權術。不得參一分虛僞。尤不得上下既已相孚。豈有不令如流水者乎。來牘云。欲勸設義學。雖是善舉。然官民未能相信。差役分送論單。轉恐有需索飯食之事。不如俟官民可以時常見面。官不厭民。民不怕官之時。

撫吳公牘

卷之五

六

然後當面開導。庶幾不致枘鑿。來牘又言。勸立恤孤。似亦可俟稍遲再議。蓋令煩則百姓應接不暇。椰子厚郭橐駝傳不可不讀也。

信字兼有教養在內。精卓不磨公之勸誠屬吏。往復懇切。雖父母之於子弟。有所不如。旁人謂嚴厲難近。今始知傳之非其真也。

通飭江北積案勒限三箇月審結辦竣由

爲通飭遵辦事。據臬司會詳奉飭議。徐州府稟督屬

趕辦同治三年以前未結積案。並另單稟請寬免。各牧令遲延處分。一併速議。速復等因。奉此。查徐屬各州縣命盜雜案。自咸豐三年髮捻奔竄。各牧令辦理防剿。無暇審訊。因之正署迭更。遞相壓閣。現在軍務

已竣。應請勒限三月內。責成該府州督屬將未詳未
解各案。依限掃數辦竣。儻再逾限不辦。卽由府指名
詳叅。至江北積案。續經咨展。無須。

奏請寬免遲延處分等情。議詳到本部院。據此。除通飭

江北尚有積案。各府縣遵照辦理。外合併札知。札到該司。卽便一體通飭。遵辦。毋違。此札。
該司卽便一體通飭。遵辦。毋違。此札。
自九月起。勒限三箇月內。將同治三年以前未詳未
解命盜各積案。一律掃數辦竣。儻再逾限不清。立由

該管府州指名詳稟。以憑專案。

奏叅。決不寬貸。其四年以後各案。亦卽迅速審擬解勘。

如有開延。亦卽一并叅撤。切速。切速。

札臬
淮安徐州二府

札銅山
豐縣 碭山 宿遷 睢寧

札蕭縣
鹽城 安東 桃源 泰興 沐陽

撫吳公牘 卷之三

七

飭撥酒掃會息本札

爲札飭事。照得倫紀攸敘。視學校之盛衰。文教振興。
見宮牆之美富。蘇省府縣各學。現在重復釋奠之禮。
樂享初備。舞羽聿修。嗣響前徽。昭茲來許。此固數年
來所未遑肄習者。威儀重覩。扑慰殊深。惟是各士子
將事頻宮。歲止春秋二祭。平時則櫺星門內。荆棘叢
滋。殿廡楹間。塵蕪疊積。卽逢朔望行禮。亦屬視爲具
文。歷觀神佛寺庵。無不莊嚴潔淨。獨至

文廟。則學官全不管理。任聽荒蕪。是

至聖之妥靈。反不如釋老之用享矣。推原其故。固由修葺
乏費。亦因經理無人。木部院前曾議立酒掃會。爲常
年修理之資。該司卽會商釐捐總局。酌提開欸六百

千文照會紳董。交令存典生息。所得息金。於每月朔望前。雇夫薙草一次。此外仍隨時洒掃。務使潔淨。以昭肅穆。所銷各欸。於年終由董事分造四柱冊報學。移縣詳送備查。其洒掃章程。及會中人數。并卽先行報查。似此逐漸經營。奉行勿替。庶官牆足資保衛。而典禮亦可常新。合行札飭。札到該司卽便轉飭首府縣會商紳董。遵照辦理。其外府縣如何辦理。亦卽轉飭妥議定章。彙核具覆毋違。此札。

札蘇藩司

義塾已未辦各處開單查核飭催札

爲札飭事。照得本部院於五月三十日。札司轉飭蘇屬各州廳縣。酌捐廉俸。各先設立義塾四處。以資蒙

撫吳公牘

卷之三

八

養限兩月內起辦。業據各州廳縣陸續稟復。遵辦現未復到者。尙有元和等縣七處。今將辦理認真與已未報辦各州廳縣。分別等第。彙列清單。以較勤惰。合行鈔單札飭。札到該司卽便遵照查核。並再由司派員查訪。已報設塾開辦各州縣。如果辦有成效。據實詳請

奏明獎勵。僅報遵辦。及現已設立者。未免空言搪塞。務令速卽籌措經費。指明設塾處所。舉董切實經理。議章報辦。毋得再事因循。其迄未遵辦。而查無一復者。想已遺忘。所以不卽記過。尙冀其因愧生奮。該司立卽催令刻速捐廉籌費。先行開設具報。一面徐議常年用欸。經久規模。條列章程。通稟核辦。儻再泄沓。延

誤。則未免有負期望矣。切切。

札蘇藩司

通飭查禁火葬

爲通飭禁革事。照得各屬暴露屍棺。前經本部院於蘇藩司任內。札飭蘇屬各州縣。勸諭居民善堂。分別有主無主。一體收埋。並申明例禁。已據各屬稟報辦理。埋葬在案。今本部院訪聞。有無知愚民。於父母屍棺。無力安葬。每歲清明前後。相率焚燒。名爲火葬。此俗各屬皆有。蘇松太三府爲最盛。又有旣葬之後。將其父母棺木揭開。洗骸諦視。易木棺以土鑿。亦屬忍心害理。合行飭禁。札到該某。立即轉行各屬一體遵照。出示嚴禁。示內先以至情至理之言。剴切開導。繼

撫吳公牘卷之五

九

將子孫毀棄祖父母。父母死屍者。應斬。及發掘祖父母。父母墳塚。分別見棺見屍。應行凌遲。斬決。各律例。明白聲敘。庶有人心者。或可感而生悟。畏法律者。亦可憚而不爲。儻示禁之後。仍有此等惡俗。計該圖地保及鄰佑人等。出首報官。嚴拏盡法懲治。地保鄰佑人等。知情匿報。另行發覺。一體治罪。並由地方官會同善堂紳董。設法籌款。多置義塚。以免暴露。仍通飭各屬確查。未葬棺柩。尙有若干。勒定期限。務令於本年冬至以後。大寒以前。一律埋葬淨盡。儻逾限仍查有停棺不葬之風。定惟該府廳州縣是問。仍飭將示式送查毋違。切切。

札江藩司

淮揚蘇藩司

臬司

蘇松太

常鎮五道

江淮徐揚海通海蘇松常鎮太十二府州廳

會銜札發江陰等縣免繳沙洲積欠價銀兩示

式由

爲出示曉諭事。照得此次設局清釐各處沙洲。勘辦升豁。審理詞訟。專爲安民除累。節經示諭在案。茲查咸豐七年改佃爲買案內。江南之江陰。武進。常。熟。寶山。丹徒。丹陽等六處。均有承買之案。價銀本係按限呈繳。後因被賊竄擾。小民蕩析離居。致有尾欠。而現在各縣之底冊。業戶之單照。均已遺失。無存。究竟某戶欠銀若干。無憑懸擬。且目前執業之戶。並非當日承買。欠價之人。若責成現業。補完未免。桃僵李代。若查提原主。催繳又多物。故遷移。徒事吹求。毫無實濟。

撫吳公牘

卷之三

十

更恐書差人等從中需索。吾民流離轉徙之餘。何忍再令受此叫囂。追呼之苦。本部院堂用是惻然。因思失守以前。歷年錢漕。及攤徵借款。俱已蒙

恩豁免。此項情事相同。自應仰體

皇仁。普律蠲除。以蘇民困。合行出示曉諭。爲此示仰江陰

武進。常熟。寶山。丹徒。丹陽。六處沙民。知悉。凡咸豐七年承買灘地所欠價銀。概予免繳。一俟照章交清。補課銀兩。卽行造冊咨部升科。並無分文浮費。其克復以後新買之案。如有價未繳清者。仍照案趕緊呈繳。以示區別。儻有員董書役。洲頭圩長人等。藉端索費。一經控告。或查訪得實。定卽從嚴究辦。決不稍寬。本部院堂爲爾民計者。至周至悉。總期迅速。歲事樂利。均

沽實有厚望焉。凜遵特示。

爲札發事。照得此次設局清釐沙洲。江陰等六縣積欠價銀。概予免繳一案。現經本部院會擬示式。合行鈔黏札發。札到該司立卽轉發理問。傳匠作速繕寫。宋體由該理問校對清楚。加以圈點。務期無錯無遺。漏夜照樣刊刻。用潔白厚紙。刷印告示五百道。備齊油紙粗麻線等項。限於文到五日內。呈送來院。以憑用印頒發。毋任片刻耽延。火速切速。

札蘇藩司

計鈔示式

爲咨送事。切照

云

現經本部院會擬示式。出示曉諭。相應備具會稿咨送。爲此合咨貴爵閣部堂。請煩

撫吳公牘

卷之二十七

十一

查收希將會稿存案施行。

計咨送會稿一本

咨督院

咨覆漕院浚河利運

爲咨復事。同治七年十一月初八日。准貴部堂咨奉

上諭

侍郎胡家玉奏請濬黃河故道以利漕運一摺。著曾

國藩等悉心體察。彼此會商。奏明興辦。另片奏請製造

軍船。擬令江西等省先行試辦。酌徵本色。規復全漕等

語。著通盤籌畫。一併妥議具奏等因。欽此。恭錄咨會。欽

遵示復等因。到本部院。准此。查此案昨准直隸爵閣

部堂會咨會內開。查導河南趨自滎澤以下。如賈魯

河沙河淮河。皆淺窄無隄。不能容黃河之大。勢將泛

濫於歸。陳許潁鳳泗等屬。自清江而下。去年議修復

淮河故道派員測量因河身高仰難於施工又聞榮澤口門雖寬而大溜弁未南行張部堂曾任東河總督熟於榮澤上下形勢現在兼管南河於修濬黃河故道講求有素應請主稿掣列敝衙復奏除咨漕督張部堂外咨明欽遵等因卽經轉行江蘇兩藩司移會糧道一體查照在案准咨前因相應咨復爲此合咨貴部堂請煩查照施行

咨復漕院

上海縣稟紳董議呈義倉積穀章程錄送請示
由

義倉積穀原爲儲備救荒而設該縣地不產米自應以所收捐錢買穀存儲爲主該紳董議請全數發典

撫吳公牘

卷之三十一

十一

生息誠難照行該縣議請本折各半存儲是否妥協且所議由堂董收繳捐項是否確有把握不致抗欠又如二十五保專辦房捐兼辦舖捐商捐其中誠恐利少害多仰應道體察情形復核妥議另行通詳察奪毋遲繳摺存

咨行現派許提督爲撫轅總營務處並統帶中營

爲咨會事竊照本部院現將親兵營勇丁及撫標中軍蘇州城守兩營兵丁仿照楚軍營制變散爲整弁將親兵營改爲中營認真整頓惟該營代理營官徐令業經因病請假撫標城守兩營雖有營官而相距稍遠鳳凰山各營則相距更遠本部院公事繁多礙

難朝夕親自訓練。查許提督約束嚴明。素爲李爵中堂所器重。應派爲撫轅總營務處。所有本部院所屬各營。均歸稽查督率。朝夕操演。認真約束。不令絲毫騷擾百姓。如有老弱充數。立即裁汰。營規不嚴。立即稟參。切勿稍徇情面。期成精銳節制之師。其中營現缺營官。并由許提督統帶。除俟章程議定另行具奏外。相應咨會。爲此合咨貴部堂。請煩查照施行。

咨督部堂

催查崇明王令挪用江甯善後捐款曾否解清爲札查事。案於同治七年八月二十七日。據崇明縣曹令詳江甯善後捐款未繳尾欠。應否一律免追。請示到院。當查該縣勸捐未繳江甯善後捐款。與已准

撫吳公牘

卷三七

三

免繳之楊通等屬尾欠捐項情事相同。自應一律免予再繳。以示體恤。至詳敘王令任內收存未解錢三千千有零之多。當時既已集成鉅數。何以延未批解。又歷任收存未解錢一百八十餘千。究係何人經收。均未聲敘明晰。顯係虧挪。應即查明追繳。按數解清。未便含混懸宕。即經批司轉飭將既繳之款。卽日照數清出批解。未繳之款。一律准其豁免。嗣據該縣申報已將繳存一百八十餘千扣支解費等項外。合數解司清款。並聲明王令任內挪用錢文。已移請徑解藩庫等情在案。迄今日久。曾否據王令清出挪用之款。按數解司。未據具報。合行札查。札到該司卽便遵照查明具復。如尙未解司。卽由司勒限嚴催王令限

一月內按數繳解清楚如再延宕定干未便切切

札蘇藩司

松江府詳復修築華亭海塘經費擬請分忙按

畝攤捐並呈估冊由

據詳此項工程通計需錢三十八萬餘串尚有添修攔水玲瓏壩工等項不能不預爲籌備除太湖崇明不議外就蘇松太三府州屬成熟田每畝派捐錢四十八文從同治八年上忙爲始分作六忙攤捐歸款等情是否允洽仰蘇藩司覆加確核並將應否遵照報銷一併妥議刻日具詳以便於開篆前復奏毋稍遲延切切仍候督部堂批示繳冊摺存

加函

撫吳公牘

卷之七

古

前此查閱海塘似北岸受潮直撞尤爲吃力曾與卓庵面商先於北岸加築遙堤及攔水壩庶正堤立腳更穩惟人夫分任太散到工已在辰正僅錢令一人照料實恐鞭長莫及仍祈尊處轉致卓庵卽日移住工所呼應更靈此次一切修費全係出自閭閻民脂民膏取之如珠玉固不可用之如泥沙也

奉賢嚴禁索費等弊

爲札飭事照得本部院訪聞奉賢縣代書起稿須錢八百四十文或一千餘文差役傳喚被告仍按事之大小人之肥瘠強懦多竟有花至數十千文者少亦三四十千文不等每案鋪堂費四五千至八千十千爲止擾累閭閻殊堪痛恨亟應嚴密查懲以清蠹弊

又候選教諭李林書包攬詞訟同善堂董事林皋侵吞堂田假公濟私是否屬實均應密行查復又聞該縣搶醮逼醮惡習未除並應嚴禁合行札飭札到該司即便轉飭密查分別辦理逐條稟復有則改之切切此札

札蘇藩司

咨行江守報遵委接辦提調並留蒞道

為札飭事同治八年二月十三日據提調松滬捐釐總局江守申稱遵奉札委於二月初九日將總局提調事宜會同徐丞妥為接辦實力經理具文呈報等情前來本部院現擬即日入都蒞道無論如何急欲回籍猶當勉強屈留在局主持一切庶准軍月餉不撫吳公牘卷之三十一
致貽悞候本部院回省後蒞道再行回籍是為至要除咨行外合行札飭札到該總局即便遵照毋違相應咨貴爵關督部堂請煩查照施行

札松滬捐釐總局

咨督院

李中堂

丹陽縣申送七年十一月分宣講清摺由

該縣塾多徒少有名無實奉飭後並不會學悉心辦理但以等因奉此遵即查照憲批指飭移請開送等語搪塞了事其於興學一事仍然漠不關心殊堪憤懣現屆開春正入學釋菜之時該令速宜慎選塾師庶孤寒子弟得受栽植其稽查功課即由學認真督

察。毋僅以空文塞責。是爲至要。切切。此札。

宜興縣申送義塾子弟功課清摺由

查功課清冊。僅學徒四人。實屬寥寥。究竟該令於興學一事。曾否略一留心。現屆歲首開學。該令務宜慎擇明師。廣爲栽培。毋但以具文搪塞也。切切。此札。

丹徒縣詳送七年十一月分宣講清摺由

據送清摺四件均悉。惟各學自通飭以後。宣講清摺均從九月分起送。何以徐教諭之摺。獨遲至十一月始送。竟少兩月。且又遲至正月初六日始行到院。實屬怠玩之至。已於十二月二十封印之日。彙校各學九十一月清摺。詳分等第內。將該縣徐教諭記大過一次。註冊飭遵矣。至各處府學。均不宜講。惟該

撫吳公牘

卷之七

六

府學汪訓導。獨送十月十一月清摺。又每次親講小學。任事勤奮。實屬可嘉。至於該縣辦理此事。殊無頭緒。督講之人雖多。而實心舉行者究少。嗣後惟專責該縣學教諭訓導二人。督率講生下鄉宣講。以免互相推諉。是爲至要。切切。此繳。

撫吳公牘卷之二十八

銅山縣記過行司註冊由

爲札飭事。照得未定罪名人犯。在監在押病故。監犯應將管獄有獄各官記過一次。押犯應將該州縣記大過一次。前經批司通飭遵照在案。茲據蕭縣詳委銅山監犯柳汶昭病故一案。查柳汶昭係前經批府親提。尙未成招定罪之犯。在監病故。案由外結。應照章將署銅山縣知縣銅山縣典史各記過一次。以示懲儆。除咨爵閣督部堂外。合行札飭。札到該司。即便註冊。飭遵毋違。

札江藩司

批桃源縣稟嗣後接奉憲文遵照歸入奉文之
撫吳公牘 卷之六 一

月造報並整頓監獄書差情形由

據稟已悉。所稱在押人證可釋者。訊明省釋。究竟已釋何人。共有若干名。應卽查明稟報。至該縣書差。最爲玩法。該署令務當大加整頓。興利剔弊。以挽頽風。幸勿始勤終怠。爲要。此繳。

加標

該令向能耐苦操守。亦好。桃源承歷任委靡之後。紀綱蕩然。該令必先約束門丁。整頓書差。使能守法奉公。然後教化可及。遠果能痛洗官場積習。未有感而不應之理。況斯民飢渴之餘。尤易爲飲食乎。自該令到任之後。本部院無日不引領北望。冀桃民之出水火而登衽席。該令若能以地保自待。不以官自

自待則上下相親。桃之民其有豸乎。仍錄報該道府及徐海高道查照繳。

批 沐陽縣稟到任後正值勘辦秋災並逐漸整頓詞訟由

據稟已悉。至未結詞訟案件。如有事屬細微。及逾兩月之期者。自應照例註銷。何必一律轉票。徒滋擾累。所擬飭提各案。分別道路遠近。勒定期限。設簿登記。逾限卽提原差。嚴比一節。所見甚是。沐陽地方極苦。民情又刁。該令當先以勤儉爲本。高道認真振作。該令於疑難之事。卽隨時就近稟商高道可也。仰卽遵照繳。

加標

撫吳公牘

卷之六

二

楊令亦甚振作。可惜爲時不久。使沐民不得久蒙具福。是吾之憾也。該縣有監生周紹虞。生員王汝棟。向來慣爲訟棍。與縣役通同一氣。該令密加訪察。如果仍蹈前轍。卽從嚴拏辦。又有頭役蔣容沈淇。向來勾通土匪。無惡不作。該令再加詳察。如罪無可貸。亦卽儘法懲處。以儆其餘。沐陽積疲之後。須威以濟恩。如子產之治鄭。孔明之治蜀。乃能有濟。若一味寬柔。恐囿於書生之術。中口積月累。便不能自圖振拔矣。縣令下車。如客商新開店舖。貨物新鮮。價錢便宜。則貿易者必多。若貨低價昂。則市人望而却退。豈能期生意興旺哉。總之該令須振起精神。呵出來幹。古今循吏。皆是我輩窮措大。做成。豈天另生一種。兩口三日。

人來做循吏哉。勉之。勉之。勿負吾之厚望。一月後仍錄報李藩司高道查照繳。

批吳江縣稟清釐詞訟杜弊安良由

據稟及另單均悉。該署令於詞訟一層辦理甚妥。殊爲可嘉。近來江震搶案甚多。現值冬令。尤慮宵小竊發。必應認真緝捕。至江震書室。勒索圩甲。其弊甚深。蘇子瞻所謂欠戶者。乃吏胥之食邑。戶可爲痛心。該令若能於詞訟緝捕催科三者。實心整頓。則牧令之道得矣。該前縣辦事亦有條理。其弊中在僞字。該令能學其勤而去其僞乎。仍候爵閣督部堂批示。繳摺存。

加標

撫吳公牘

卷之六

三

該令才足任事。但恐無一腔真切愛民之意耳。閱該令辦理詞訟章程。知能正本清源。使官民毫不隔膜。下車之始。卽能提綱挈領。爲之喜而不寐。凡牧令之於百姓。猶父母之於子弟。子弟之賢者。固當護惜其不肖者。亦當訓迪。牧令教養之職。旣盡。而謂百姓不愛戴之。如父母者。無是理也。初視事宜。先除盜賊。清詞訟。不宜先追錢糧。所謂信而後勞。其民也。官聲旣好。民信旣孚。使撫字與催科相爲表裏。自然令如流水。該令如若言行無間。初終一轍。將來名在循吏傳中。何等榮寵。若內外不符。貽本部院暨藩司以不知人之誚。則該令上負神明。下負知己。白簡之登。且不必論。清夜問心。安乎否乎。仍錄報藩臬二司暨首府。

知照繳

批蘇藩司詳余維士等上控史懿初等藉捐索費續飭查復請示由

此項歛田該二縣前令既經詳復萬難收捐迨後並不詳稟請示率行倡議私收誠如來詳實係希圖入己其撥歸地方善後公用自因奉訪及余維士上控始行先侵後吐該二令業經

奏參奉

旨革

職應毋庸議至史懿初等原供每畝收錢二文如果事出因公其初何必狡賴情殊可惡應將史懿初等四名照律杖八十各加枷號兩箇月游街示眾滿日折責發落余大來一併革役以昭炯戒其餘原告余

撫吳公牘

卷之六

四

維士及紳董潘承基等姑照所擬均毋庸議無干即行省釋未到人證概免傳質以省拖累仰卽轉飭遵照並飭該前革令將宜興縣存錢六百二十七千零勒限一箇月按數呈繳歸款具報其荆溪縣存錢三百餘千飭縣迅卽解司毋任侵虧切切仍將訊結緣由錄批報明爵閣督部堂查考繳

札飭礪山縣積案究有若干起開摺送查由

爲專札嚴催事照得同治三年以前未結積案前經飭令迅速覆訊解由該管府州審明詳司核辦人犯免其解省其四年以後未結各案亦卽陸續審擬解勘並分別查明件數若干開摺申復嗣據該縣申報飭承查明開摺另呈等情復於八月二十二日專札

通飭將同治三年以前未詳未解各積案自九月起
勒限三箇月內一律掃數辦竣。儻再逾限不清。立卽
指名

奏參各在案。惟該縣同治三年前後未詳未結積案。迄
今未據開呈。合行專札嚴催。札到該縣。立卽遵照。將
同治三年以前及四年以後未結各案。並將未詳案
件。究有若干。限九月十五日以前。一併分別開摺呈
送。立等彙核。毋再刻延。切速切速。

札礪山縣

加標

該令辦事向來認真。爲本部院所深知。清理詞訟。爲
地方官入手第一要義。望卽認真研求。俾獄無冤滯。

撫吳公牘

卷之六

五

該令之心安。卽本部院之心亦安矣。

批揚州府詳奉行設立養濟院舉行各善舉將
重甯慧因寺田撥作經費一案遵辦情形由

據詳已悉。至重甯慧因兩寺田畝。據稱傳詢該寺僧
人。究問共有若干。云云。分僧田爲義學經費。而與僧
人謀之。何異與狐謀皮乎。此事必應派妥實紳董密
查。方能得其底裏。仰卽遵照。迅卽選派紳董。密速確
切查明。由府妥議章程。詳復察奪。毋得含混了事。切
切。繳。

批沙洲總局詳訊明童恩霖等稟控王德懷等

一案大概情形。現在解赴臬司衙門審辦。由
據詳已悉。王德懷等藉辦沙洲升課事宜。私自斂費。

既經訊明按畝苛派尙復堅稱並未經收殊屬特符
逞刁李賢才供認經收費錢數百千文爲料理各衙
門費用究竟解歸何衙門收受亦應澈究明確至原
告童恩霆等受經書董事科斂理應控告事隔數年
府縣並不爲之申理豈能責以越訴之咎仰按察司
速卽遵照俟王德懷等解到由司委員秉公研訊明
確議擬詳奪並飭將已解各衙門費用一節一併查
開細數據實復請核奪毋任違延並移該總局知照
繳

加函

比來百姓或京控或上控無論有理無理發審委員
卽擬加越訴之罪鄙意深不謂然府縣不能爲百姓

撫吳公牘

卷之六

六

伸枉屈而後始控院司或至京控且百姓赴上司控
告代書有費門號有費把衙有費遞狀之後候批無
期候審尤無期影頤沉沉如控之於天如控之於鬼
神含冤負屈之民安得不爲京控之計哉歐陽文忠
稱穀城令狄粟嘗爲部民所訴被劾旣而部民隱丁
規避旁人謂可藉此報復狄粟笑曰是嘗訴我者彼
冤民能自伸令之所欲也吾豈挾此而報以罪耶然
則我輩必辨百姓越訴是固狄粟之所竊笑者矣寒
口止啼殊非清訟長策祈爲切囑發審委員此後只
論有理與無理不論越控不越控我公以爲何如

批崇明縣詳江甯善後捐款現在尾欠應否一

律免追請示由

該縣勸捐未繳江甯善後捐款與已准免繳之揚通等屬尾欠捐項情事相同自應一律免予再繳以示體恤至詳敘前令任內收存未解錢三千千有零之多當時既已集成鉅數何以延未批解又歷任收存未解錢一百八十餘千究係何人經收均未聲敘明晰顯係虧挪應即查明追繳按數解清未便含混懸宕仰蘇藩司即行轉飭將既繳之款即日照數清出批解未繳之款一律准其豁免即將前發告示遍貼曉諭以期實惠及民儻書差劣董稍有需索即惟該令是問仍將貼示日期處所報查並令錄批補詳爵閱督部堂並候批示繳

批蘇藩司詳復奉賢不在丁田另徵雜辦漁課

撫吳公牘

卷之六

七

一案由

如詳辦理仰即轉飭遵照將由縣暫行捐辦緣由出示曉諭庶幾窮黎得沾實惠不致漁總差保朦混私收一俟纂訂全書即歸入荒缺項下彙請豁免以期永免科斂仍候爵閣督部堂批示繳

批吳縣稟各圖地保諭飭十甲里耆舉充毋庸再由佐雜衙門投充由

據請將各圖地保諭飭十甲里耆舉保由縣驗充毋庸再由佐雜衙門投充以歸簡易而專責成所見甚是且一切公事多經一道衙門即多一層轉折更多一番需索自應如稟立案仰蘇藩司轉飭遵照並行各屬一體照辦此繳稟鈔發

加函

立地保以約束游民。又設佐雜以約束地保。層層箝制。初意未嘗不善。近則層層剝削。無非百姓受累。所謂廡長立而馬益癯也。此後地保改由州縣驗充。自是正辦。然門閭書差亦可勒索。地保務祈通飭所屬。必須官與百姓時常見面。時常詢問疾苦。則上下之氣。通門閭書差自不能從中作梗矣。蘇屬害民之弊。尤在漕總。能將此弊拔去。根株勝於去百姓附骨疽也。此事非下辣手不可。幸共圖之。

批武進縣稟會獲事主費伯雄家劫案首夥各犯訊供請示由

此案失事已久。亟應賊盜併獲儘法懲辦。惟既稱密訂靖江縣會狂起賊訪查逸犯。何以又將日期預行宣露。該令如此疎漏。豈能望拏獲真賊正盜哉。據稟將現犯解省。仰按察司速卽核明分飭遵照。妥速辦理。通報查考。毋稍疎悞。至現犯巢玉林等。於何時獲案。未據聲明。其楊玉成一犯。查核該縣月報尙係五年十一月緝獲。聲敘訊認夥同龍老小等行竊二次。並未認劫此案。前據府稟批飭提訊。亦無申復。果係此案。正犯何不早爲訊究。詳報直待本部院批檄頻催之後。始將其插入所訊。犯供亦覺浮泛不實。又無贓證。究難憑信。有無差役串捏借盜銷案情弊。一俟解犯到省。由司委員提集各犯。隔別研訊。務得實在確情。錄供通詳。一面按擬招解。切勿稍任枉縱。仍飭

撫吳公牘

卷之六

八

補稟爵閣督部堂批示繳供摺存

批蘇藩司附詳震澤勸辦義倉積穀應飭另行
詳辦由

被兵之後富戶殷商均已消乏若勸令量捐積穀難望踴躍樂輸徒有勸捐之名而無集事之期惟業田之家連年有收尚堪自給今籌備義倉積穀之法除按畝派捐之外亦別無他術其應如何秉公從輕捐收俾免偏苛之弊仰卽另議妥洽辦法詳復飭遵毋遲繳

加函

鄙意積穀於城不如分積於鄉何則凶歲在城賑濟不過恩及游惰而窮鄉僻壤之真正農民不能分及

撫吳公牘

卷三大

九

杯勺且出穀則按田抽派專取於鄉分賑則計口授食專及於城此鄉民之所以情有未洽也此後擬城內並附郭殷戶所捐之穀全儲於城各鄉所捐之穀全儲於鄉而於適中都圖置倉存積擇公正紳士分年管理官吏只能稽核不能動用庶幾可免中飽朱子社倉法每石收息二斗取息過重似近青苗又恐窮民領米難以一一清還不能不煩官司催取轉致騷擾若如陶文毅豐備倉之法全不取息又恐日久耗蝕終歸烏有鄙意每年遇青黃不接時穀價必昂則出穀平糶畧取一分之息以爲盈餘俟秋收穀賤時再行買補歸倉如此辦理則繼長增高年年必有裨益凶歲便可無虞但非得人經理則流弊亦大總

之天下無無弊之事。朱子在崇安。非得劉如愚。劉得與諸君相助爲理。則亦未必有成效可觀也。祈與各屬商之。務以必行爲要。

吳縣申送七年十一月十二月分宣講清摺由清摺閱悉。監生金蘭汪正。布衣沉淵。孝義可風。吳女貞烈。不屈李氏周氏守節有年。均宜表彰。以維風化。仰由該縣覆查。應給匾者。給匾獎勵。應請

旌者。詳請彙

題。至高年男婦。除沈蔡氏已具

題請

旌。並行司量給錢米外。其二品

封員鄭錦宗等。應給匾賞卹之處。均由該縣分別辦理具

撫吳公牘

卷之六

十

報可也。切切此批。

三首縣會稟請委員備辦丁祭祭品由

仰蘇藩司照給。弁派委委員會同府縣及教官紳董認真辦理。事關大典。不得潦草塞責。此次具稟。爲時已遲。嗣後執事人等。應於前一月演習禮儀。方免敷衍了事。至賓興本款。本已不敷。能否另籌一有。着之款。庶能永遠奉行。並由該司酌議章程具復。繳

飭議弁勇請假章程

爲札飭事。正月二十二日。據中營徐令申稱。據右哨哨長張寶泰稟。親老在籍無人侍奉。請另派員接辦。除札委藍翎千總什長胡天喜原名祥麟調升哨長外。申報到院。據此。查哨官哨長什長勇丁因事請假。

必須核無規避情事。方准銷差。否則營官勤苦教練。弁勇等一經習熟技藝。卽告假他去。豈不白費本部院及將領一番苦心。合行札飭。札到該總營務處。卽邀同中軍城守面商。應如何不令該弁勇任意去留之處。議一妥當章程。稟復察奪。切切。特札。

札總營務處

加標

哨弁練習洋槍洋礮。操法甫經純熟。卽行告假。安知非他處誘以重利。延往教習。此端一開。所有熟手。皆爲他人所用。營中所存。皆係生手。我輩終日爲人作嫁。究竟有何裨益。且萬一奸民謀爲不軌。邀集此等技藝純熟之人。爲之羽翼。豈不釀成大患。前定入營撫吳公牘

卷之三

十一

十年然後准假者。亦係慮及此事。卽希擬一妥章。立刻稟復。以憑酌采爲要。

飭查興化門丁張姓

爲札飭事。據訪查委員稟稱。該縣差務門丁張姓。藉差誅求。卽就船埠而論。每年索費亦頗不少。又差役如呂淦。鄭芳亦屬著名婪索等情。合行札飭。札到該縣。卽便認真查辦。據實稟復。毋以赤子爲可欺。爪牙爲可惜也。切切。

淮安府請借款挑河谷商督院

爲札飭事。據淮安府章守稟請。清安二縣開挑包家民便等河。請

奏借庫款興挑。共銀二萬七千七百五十四兩零。分作

十年攤徵還款。并應需員董薪水等項經費。及將來續挑安邑張家河。請以此次申出方價抵用等情。到本部院據此。查所請興修水利。有關民瘼。事屬可行。現擬會摺。

奏明於藩運二庫借款挑辦。俾得如期集事。但未諗各庫有無存款可借。如何分派借給。至攤徵期至十年。亦恐爲時大久。日久弊生。除行江藩淮運二司查明詳復核辦外。相應咨高。爲此合咨貴部堂。請煩查照。希卽察酌定奪示復。以便會

奏施行

咨督院

札江藩司
淮運司

撫吳公牘

卷之六

七

儀徵差役索擾飭禁

爲札飭事。照得本部院委員於去年十月初九日。在該縣柯姓差寓。查有蕭莖一名。詢於九月二十一日。交差看管。現已訊結釋歸。牌上已無其名。不知該差爲何仍留蕭莖在寓。恐有勒索。又是日有鄉民趙姓等三人與書差講費。據云欠租追繳。事已訊結。差費及房飯共花去錢八九千文。堂費則先索三千文。因該民實在無錢。被站堂堂差役人等攆打一頓。小民欠租致訟。已屬可憫。何該書差等反敢詐贓。至八九千文之多。亟應查明懲治。又聞該縣傳呈費一千餘文。堂訊索費少則一二千。多者無一定。又相驗費亦無一定。帶訊者均派費。又串票錢每張二十餘文。至四五

十文不等。均應嚴行查禁。又訪查外監對面女管監處。有木柵無地板。不甚乾潔。亦應卽行整理。合行札飭。札到該縣卽遵照辦理。並查明各節據實稟復。有則改之。毋得飾混干咎。切切。此札。

飭查通州滋事之人並禁堂費停棺等由

爲札飭事。照得本部院訪聞該處有不安本分之人。與營兵武生勾結成羣。專在賭場妓館中生事。有上二十八宿。中二十八宿。小二十八宿名目。只露別號。不露本名。土人恐懼其鋒。敢怒而不敢言。此等棍徒。誠恐惡跡不少。亟應確查分別懲辦。又該州堂費上堂須取錢十挂十餘挂不等。亦應嚴行查禁。又該州有停棺不葬風俗。並應查照屢次通飭設法瘞埋。禁撫吳公牘卷之六 三

止。合行札飭。札到該州卽便密查辦理。稟復切切。此札。

札通州

飭查婁縣三里橋等處分卡弊竇

爲札飭事。照得本部院訪聞婁縣西門外三里橋地方有五庫分卡。司事方姓一人。並砲船一隻。所有釐捐。每日私收一二千。及三四千文不等。七年九月初二日。有草柴船過卡。礮船勇丁攔阻。強買五十捆。每捆給錢三文。查柴價每捆本七八文。柴主不肯。卽行毆打。該處鄉民甚受其累。又奉賢縣之閔行分卡。司事石姓。此人向在軍營。亦有礮船一隻。每至夜深。帶礮船勇丁。乘坐杉板船。赴南橋鎮騷擾客船。時常生

事如果屬實。亟應將礮船滋事人等嚴行懲治。合行札飭。札到該局。即便密查稟復。以憑核辦。切切此札。

札松滬捐釐總局

札查釐卡沈委員苛求罰款等事

為札飭事。照得本部院訪聞徐州糧臺管下釐卡委員苛求罰款甚重。民間嘖有煩言。又宿邑地方有訟棍趙玉成。住居北鄉。鄰宿交界之間。平日包攬訟詞。又邳州新城設有東徐書院。舊城設有嶧陽書院。近因原撥駱馬湖灘地。爭訟未休。及董事經理不善。以致經費無出。停課多時。均應密行查復。合行札飭。札到該道。即便遵照。分別妥為辦理。仍即據實稟覆。切切此札。

撫吳公牘

卷之六

古

札徐海道

海州書差索費飭查

為札飭事。據訪查委員稟稱。海州傳呈雖已禁絕。而驗傷及緊要事件。每張呈詞。須費錢二千四百文。內監外監。均有地板。尚屬乾潔。惟女監。壯班。捕班。鹽班。四處均泥地。不甚乾潔。又州境東南粟子口。一名喬河口。與安東交界地方。查有盜船八隻。攔路貨船。不敢出入。板浦州同逢姓。官聲平常。汛官如西鄉之石榴樹大埠。阿湖三弁。素不安分。間有勾連圩董。欺壓平民者。不但尋常擅受。及收受陋規而已。又西鄉積年窩匪。專以搶劫為慣技。近來澆風惡黨。仍未盡除。如房山之尹晉權。平陵之唐四瞎子一流。皆有藏奸。

行劫之事。又各鎮集多開場聚賭。抽頭者皆屬無賴之徒。尤以西鄉爲最。甚等語。合行札飭。札到該州。即便確查。分別嚴辦。切勿任其自然。星星之火。亦可燎原。蠟穴潰隄。端不在大。該牧接札後。若腹誹本部院。好管閒事。將各件存而不論。則本部院當自悔失言也。此札。

札海州

飭查泰州船差需索

爲札飭事。據訪查委員稟稱。去年十二月二十九日。傍晚抵泰州北門外。卽有船差吳良儀上船需索。詢其同夥八人。每遇船隻到岸。大船需錢五六百文。極小之船亦需錢七八十文。當給錢二百文等情。查該州僻處東隅。並非衝途。乃該船差吳良儀膽敢肆行訛索。實屬愍不畏法。合行札飭。札到該州。卽便確查嚴辦。稟復我輩之小事。卽百姓之大事。勿謂訛錢事不緊要。遂以此札發房爲了事也。切切。

藩臬司詳擬清理交代章程請示由

所議章程甚是。應准照辦。至第二條內。已經交卸之員。逾限三月。延不結報清楚。停委一年。一層應改爲。永不准其委署。以杜誘延。仰卽通飭各府州屬一體遵照辦理。毋遲。仍候督部堂批示。繳摺存。

撫吳公牘

卷之六

五

撫吳公牘卷之二十九

批碭山縣詳舖釐停止並將所雇之勇裁撤由該縣勇丁既已裁撤所收店舖釐捐不論數之多寡應卽一概免繳以甦民困仰江藩司卽飭遵照仍嚴查差保人等不准朦混私收仍通飭各屬有無由地方官抽釐養勇之事亦卽一併飭令裁撤停止儻敢陽奉陰違卽由司詳參嚴辦並候爵閣督部堂批示繳。

加函

地方官藉養勇爲名私自抽收釐捐最爲弊政蓋公捐則某貨應抽若干尙有一定章程不致高下其手私捐則由門閭書差劣董經手肆意訛索以得賄之

撫吳公牘

卷之三

一

厚薄定捐數之多寡中飽之中又有中飽本官之慾壑未盈而百姓僅存皮與骨矣而且所養勇丁無非游惰流氓以之禦侮則不足以擾民則有餘斷無實濟現在蘇滬舖捐業已全裁崇明如臯江甘等處藉善後局爲名仍行私抽亦復分別裁撤嚴辦惟徐海等處爲耳目所不及儻公有委員赴徐海時祈囑其便中密查弟亦諳懇雲圃就近確訪三吳遭亂之後猶如人經大病元氣已傷非用參苓桂附緩緩調補難期肌體充實若仍用大黃芒硝攻下之藥斷無起色江北州縣私捐尤甚於大黃芒硝總當裁撤淨盡庶可爲橫目稍留一線生機耳

藹然仁者之言

淮揚築隄一事行道府察酌議辦

爲札飭事據

淮該

安府章

辦稟

淮揚各州縣田地濱臨

湖河地勢卑窪全賴堤圩鞏固以資捍禦設或平時防範稍疎堤圩殘缺不修一經湖運水漲卽成澤國卽如同治五年清水潭漫溢山鹽阜各鄉堤圩陸續潰決獨鹽城之岡溝千秋青龍三圩修築堅固尙未全潰得以微獲秋收此其明效當此榮澤漫口尙未堵合水注洪湖高寶運堤喫重勢必啟垣宣洩下河水患奚堪設想亟應乘此榮水未至預爲防範將各鄉堤圩民捐民辦一律加修堅固稟請通飭淮揚各州縣認真勸修民圩以保田疇等情到本部院據此當查本年榮工漫口散流由東南而下來勢尙覺遲

撫吳公牘

卷之五

二

緩現在水勢若何卽經札飭

淮揚

道派員查探茲據

稟稱漫水從淮河徐徐流入洪澤湖近日水勢並未見漲等情刻下已交霜清安瀾之候源枯水弱本年諒不致變幻受淹昨准東河督院蘇咨會鈔奏內稱榮工漫口搶廂兩埧裏頭現俱一律完工整齊穩固埧基亦在分別堅築擬俟長水再落數尺卽於外口估築攔溝大埧以閉其氣一面趕緊集料俟埧基增培完竣卽於兩埧先行進占已請撥部庫銀四十萬兩外省銀五十萬兩卽籌興堵等因是榮澤漫口未致全行奪溜堵閉尙易措手明歲淮揚一帶似可無意外之虞若遽令民捐民辦修培堤圩辦理稍不得法恐百姓未受黃水之害先受董事之害矣惟現任

水勢究竟若何未便遙爲懸揣漕河部堂念切民依
新督院計此時可行抵清江兩帥熟商必有未雨綢
繆之術合行札飭札到該臚卽便遵照督同淮揚二
府斟酌情形察核究竟應否舉辦俾有實濟而免擾
累刻日通稟請示察奪毋違

札淮揚道揚州府

批睢甯縣申歷年未詳盜案開摺申送由

查核摺開各案雖無同治三年以前積案而自五年
起至本年止未詳案件共十三起之多應作速分案
通詳至事主張貴等報被搶一案前據宿遷縣稟獲
犯馬明先范景賢解歸該縣審辦卽經批司轉飭研
訊確供同勘驗緣由通詳究辦在案迄今月餘仍未

撫吳公牘

卷之五

三

據訊詳實屬玩延仰徐海道卽飭遵照迅將獲犯各
案趕緊覆訊明確同勘驗緣由分案通詳其未獲犯
各案亦卽陸續詳報均毋再延致干叅咎切切此批
摺存

加函

該令有守有爲志趣向上睢甯雖是小邑而經各前
任疲玩之餘綱紀蕩然書差尤爲骫法務望該令振
刷精神極力整頓饑者易爲食渴者易爲飲較之他
邑尤易見功效也昔于清端令羅城時其光景風俗
尤不如睢甯清端百折不回盡心教養卒之頑民感
格剝牘屢登不數年間致位通顯該令目下境遇雖
困而志氣切不可餒總宜將官場習氣掃除淨盡一

意以愛民爲主。人之必有效驗。本部院所期於該合者至遠且大。幸勿作自了漢也。仰徐海道轉飭遵照。
繳

札飭查議海門廳徵收地漕銀數由

爲札飭事。照得海門廳職員徐少卿卽大鑫京控徐禹亭等霸佔灘地。賄承勝詳書差徇庇。攔案等情一案。據署臬司審擬解候勘咨前來。經本部院親提審訊。據原被人等供稱海門廳徵收地漕每銀一兩收錢二千六百文。此外又有糧差串票每張三十文。該糧差之任意需索亦可概見。必應革除積弊。以甦民困。合亟札飭。札到該詞立卽遵照。會同糧道體察情形。詳加核議章程。並嚴禁浮收串票錢文。一併詳覆。撫吳公牘。卷之三九。四

察辦毋稍徇延切速切速特札

札江藩司
江糧道

加函

昨據徐少卿供稱海門地丁每兩官收錢二千六百文。串票錢三十文。此係彰明顯著者。此外小戶尚有浮費錢二三百文不等。總視其人之強弱。以爲去取。良懦之脂膏有限。奚堪若輩予取予求。敝處昨擬明定江北丁漕章程。候相同信似尙謂然。但未諭穀帥以爲何如。儻商權已定。務望迅發簡明告示。必使愚夫愚婦人人共見共聞。方免書差暗中需索。總之甯可使百姓吃明虧。不可使百姓吃暗虧。蓋明虧尙有定額。暗虧則無可稽核也。轉瞬間卽要開漕。我輩早

一、日定章程。百姓卽早一日出水火也。

批蘇司詳各屬造送開四五六三個月詞訟清冊核明結案較多各縣請記功一案由

各屬造送月報開除訟案有訊結息銷註銷之分。先須核明該牧令訊結者幾成息銷者幾成註銷者幾成。然後酌予賞罰。凡一州一縣詞訟多者方能以成數計。若一縣僅有詞訟十數起卽全數結清亦未便記功。各州縣果能將詞訟月清月減開除日多實在日少由聽訟馴至於無訟者方不愧爲循良。若此月清結而下月仍舊興訟則服其口並未服其心。絕其流仍未清其源。雖有結案之名仍無結案之實。似又未可專視其多寡爲優劣也。據詳前署吳縣等各予

撫吳公牘

卷之五

五

記功之處卽查照批示另行詳審酌議考核章程。一併詳覆察奪仍報明爵閣督部堂查考並候批示。

加函

自詞訟月報之令行州縣每多作僞捏造口角鬪毆之案作爲訊結其實皆係子虛烏有試觀州縣所結者皆係每月新收小案以前存下疑難舊案並無一結便可知其作僞矣。若僅從成數核算仍是有名無實鄙意以爲州縣訟案能按月遞減者便是實心任事務望此後將各屬月報親自核閱不假幕友書吏之手庶能窺其底裡幸毋謂刻核太過遂有不肖之心應之也。

批准安府詳清河士民呈請撥除金吳二鄉代
攤沉糧

這境丈量祇能得其畝分。無從悉其科則。該縣金吳
等鄉向科熟荒水三則田各若干。據該士民呈稱荒
水居多。係屬臆度之詞。究竟從前攤派湖糧。舊係何
則。此時如已無可考證。卽丈量之後。亦無從查其有
無浮糧。事關閭境統丈。工費較鉅。弊竇易滋。必應慎
始圖終。斟酌詳盡。仰江藩司訪查原委。體察確情。核
議詳覆。飭遵。仍候漕關督部堂批示。繳。

批徐海道稟碭山縣知縣雖無別劣蹟諸務廢
弛請改教職由

據稟該令諸務廢弛。難期振作。堪以教職改用。惟定

撫吳公牘

卷之五

六

例進士舉人出身之員。到任半年內。因才力不及者。
准改教。已逾半年者。原品休致。候補人員。已補實缺
者。照辦等語。該令究係何年任事。仰江藩司查核敘
詳請

奏並移該道知照。暨報明爵閣督部堂查考。此繳。稟鈔
發

批徐海道稟徐屬各牧令詳報遲延處分寬免
由

江北各州縣未詳未結各積案。請寬免各牧令遲延
處分。前據徐州府具稟。卽經批飭該司道會議詳覆。
將同治三年以前未詳未解各積案。自九月起。勒限
三箇月內。一律掃數辦竣。儻再逾限不清。立卽指名

奏參至江北積案雖續經咨展本部院仍擬將查辦情形附片

奏明該道卽轉飭所屬趕緊依限辦理以前遲延之處分可無庸顧慮矣仰徐海道查照轉飭仍候爵閣督部堂批示繳

加函

前接來函以牧令顧慮處分是以不敢放手做去此乃意中事但該牧令等果能從此認真振作不惟以前無心之處分准其寬免卽以前有心之處分亦當代爲設法祈爲切實轉告所有大小處分敬處當獨自任之與諸公無干但一切積案務須依限清結勿再視同陳債屢約屢延撫字與催科相爲表裏清訟

撫吳公牘

卷之三

七

固撫字中一大端今欲牧令清訟則多方推諉若直斥其不能撫字則又拂然怒然則地方官僅鳴鑼喝道卽可謂之撫字耶弟已因公言而寬牧令處分公若不因弟言而催牧令清訟投桃報李之謂何

酌擬候補府廳州縣衙參章程

爲諭知事照得行政首重得人而考言必兼詢事本部院知識迂疎見聞淺陋願和衷而共濟惟主善以爲師蘇省需次人員爲數濟濟其中不乏才具出衆深明治理之人惟僅於每月衙參分班接見坐譚一二刻時甚匆匆進退數十人言多泛泛問答均難詳盡彼此徒費周旋殊非集思廣益相與有成之義現經本部院酌擬衙參章程七條開列于左所期諸君

子同寅協恭各抒心得願聞已過相期諤諤之風敷求哲言勿襲陳陳之語敢云伯樂相馬良馬遂空或者葉公好龍真龍可至幸諸公諒此愚誠望不吝錫以教誨除佐貳各職飭由首府招考外爲此牌仰候補府廳州縣遵照毋違

計開

一自十月初一日起除現任及有差使委員自爲一班外所有候補人員每期接見一班每班十位大約以通省候補計約須兩月方可見完以後照序循環有差委出省者則以新到人員隨時補之其各局所及發審委員亦將辦理情形各開清摺於接見時呈送備核

撫吳公牘

卷之三九

八

一每人進見時各呈清摺一扣凡地方利弊時政得失及兵刑錢穀中外交涉各事宜均就識見所及開列於內但有益

國計民生均望直言無隱其不願者聽

一清摺內所開或一二條或三四條每條但取辭達而止不在誇多鬪靡接見時本部院再將條陳中意義往復討論在問者可以藉窺底蘊在答者仍可隨義引伸

一所遞三四條之外如尙有未盡事宜留俟下屆班期續遞

一所遞各條內儻有關大利大害事屬機密者本部院卽將清摺閱後收存候次日單見面詢俾

免洩漏

一 所擬條陳。務期各抒己見。如有才識超卓。文理優長者。再行定期面試。卽或所論未當。亦不吹求。

一 摺末寫明官階姓名別號。排行。以免遺忘。

札飭江蘇兩屬呈送月報改申爲詳

爲通飭遵辦事。九月十六日。據江甯府稟稱。嗣後呈送月報。可否改申爲詳。俾便批回。庶昭慎重等情。到本部院。據此查各州縣呈送詞訟監押月報各冊。惟山陽一縣新陽溧陽二縣向係詳送。其餘各屬僅用申文。該府屬旣已改申爲詳。自應一體遵辦。以歸畫一。除批准外。合行通飭。札到該某。卽便遵照辦理。仍將奉文遵辦緣由報查毋違。此札。

撫吳公牘

卷之三

九

札江蘇兩屬各府州廳縣。扣新陽溧陽山陽。爲札飭事。照得各屬徵收錢漕。所有一切浮費。均經本部院前在藩司任內。通飭一律禁革在案。茲訪聞各圖經造散給由單。城戶尙屬無幾。鄉戶則每畝需錢百餘文。少亦數十文。名爲役費。又縣差下鄉催繳錢糧。往往任意需索。常有花戶所欠無多。而應給之差費。反浮於應納之正。供小民終歲經營。何堪受此剝削。合行札飭嚴禁。札到該司。立卽通飭各屬。嚴密確查。如有前項情弊。卽將該差從嚴究辦。毋得視爲具文。切切。特札。

加函

嚴禁差役需索。我輩一言再言，不啻舌敝唇焦。而牧令漠然曾無所動于中。豈蚩蚩者獨非彼之赤子乎。百姓稱牧令曰父臺。稱我輩曰公祖。試問子與父親乎。抑孫與祖親乎。譬如子或受人欺陵。父必爲之出身。豈待祖命而後痛癢相關乎。該牧令如此存心。殊令人索解不得。徵收錢糧。非牧令處處留心。尤易開索詐之風。弟屢次嚴札勸誡。而不肯遽登白簡者。一因諸公得一功名。頗不容易。一因後人未必遽勝前人。今若輩看破全是空雷。所以毫不措意。然弟縱不肯以空言劾人。而如縱差需索役費等事。豈非貪劣實蹟乎。仍求公再爲誼切轉致。如復聽之藐藐。則圖窮而匕首見。亦勢之所無可如何者矣。

鄉約等事行司勸學按月開報由

爲札飭事。照得蘇省各府州縣。前經本部院酌議章程。通飭所屬教職。分期周歷各鄉。督率講生宣講。長元吳三學。每月摺報所講書目。所至地址。以及宣講諸生姓名。下至田禾豐歉。亦或開呈大概。要皆畧而弗詳。本部院以爲官師相規。固所以勸導愚蒙。亦所以整齊風俗。該教職等既經親歷其地。凡該處地方有無孝友節義。義學文社善堂。是否俱已興復。學宮是否俱已竣工。其義學章程。是否可垂之永久。棉

聖諭小

撫吳公牘

卷之二十九

十

桑以何者爲最宜。未懇以何鄉爲最多。風俗是否勤儉。抑係奢忘。有無潛心理學。不求聞達。抱負經濟。著書立說。或有奇技異能。諳通天文學醫理之人。城鄉正人君子。有無舉行鄉約。停棺不葬之風。是否稍爲歛戢。以上各條。俱一一據實呈明。以資勘核。至於每期宣講之處。講生以何人最爲曉暢聽講者。約有若干人。有無領悟之處。每期所到何鄉。據實詳開。惟不得關涉民間詞訟錢漕。致開干預地方之漸。合行札飭。札到該司。即便通飭各州縣。及所屬教職。自九月起。每屆月終。將前項事宜。逐一臚開。清摺二分。送交該縣。轉報本部院。暨該司二處。以歸簡易。此係爲地方風俗民情起見。將來年終彙計之期。本部院卽以此事之能否認真。定各教職之黜陟。在事講生。亦卽以勤惰分其優絀。慎毋以迂闊而忽之。切切毋違。此繳。

撫吳公牘

卷之三九

十一

札蘇藩司

輿圖局詳江北輿圖請飭在甯開局辦理由

查繪刊江屬輿圖。前次屢經曾爵閣部堂與馬部堂咨行。由蘇設局辦理。自應卽在蘇省設局。毋庸再請移設。惟所需經費浩繁。如何籌撥濟用。應由司咨商甯藩司。籌畫定奪。仰卽移行遵辦可也。此繳。

加函

上年冬候相臨行時。函稱蘇屬輿圖。以勾股按地實測。四至八到。一目犁然。爲近來輿圖之最善者。將來

不惟江屬輿圖當託此間代辦。卽安徽江西兩省輿圖亦須託此間代辦。言甚諳切。鄙人但答應江屬歸此間設局辦理而已。今毅帥又屢屢見託。似難再辭。昨已面屬李金二君。令其馳赴江北開辦。祈於晤面時再爲轉催。并代備川資爲懇。

飭府按月造送詞訟各冊

爲札飭事。照得各屬詞訟案件。經本部院於上年通飭遵照。按月分別上控自理。已結若干。未結若干。詳開四柱簡明清冊。呈送察核在案。惟蘇松常鎮四府。回不造送。此項月報攸關稽核功過。自應一律造報。以憑查考。除分札飭遵外。合行札飭。札到該府。卽遵照。迅將詞訟各案。自本年五月分起。分別上控自理。按月查造四柱清冊。連同監押人犯各冊。一併備文詳送。毋稍漏延。切切。

撫吳公牘

卷三十五

十一

札蘇松常鎮四府

札催京控各案迅速訊結並取遲延職名

爲行催事。案查歷准咨送京控七起。前經本部院因未據依限提解審結。節次札催。旋據前署司將蘇州府分別辦理情形。開摺轉送到院。又於二月二十一日。札司將入證已到者。速卽訊詳。未到者。嚴行催提。一面遵照前札。彙案詳參。再查鹽城縣民楊西元京控一案。於二月三十日。據前署司申報飭據查訊。供情甚屬細微。應先飭提卷宗解省核明。再行提證訊辦等情。又經前護院於三月初十日。札催嗣據前署

司以各州縣因循不解。以致案延莫結。酌議提解。遲延分別。記過章程。詳請通飭前來。當卽批准。復於四月初五及五月十三等日。先後札催。現在僅據該署司將七起內之礪山縣監生曹大儒一案擬解。經前護院訊結。續於三月十八日。准咨鹽城縣監生蔡如松等。遣抱京控一案。札據前署司行提人卷。由縣申報給文。批解投審。又於四月二十二日。准咨礪山縣民周祥吉京控。又於五月十六日。准咨宿遷縣民趙家祥等京控。又於五月二十三日。准咨崇明縣民陳龍生京控。計三案。均經札司飭府訊供。行提人卷解省。審辦各在案。迄今仍未據分別審解。詳辦合再札催。札到該司。卽遵照前次批札。飭將人證已到者。

撫吳公牘

卷之五

七

速卽訊詳。未到者。嚴行催提。仍查明遲延各員職名彙案詳辦。一面催取楊西元卷宗解省核明。提證訊辦。其餘新到各起。亦卽飭府訊供。稟司飭提人卷審辦。總之案關京控。在省拖累者。奚止數十人。在家懸望者。又奚止數百人。試一設身處地。自覺寢饋難安。該司係實缺人員。呼應較靈。諒該州縣及承審人員。必不致如前泄沓矣。切切此札。

札臬司

簽駁甘泉胡老庖仔起意糾約歐鐵褲仔等謀

殺于謂成身死案由

簽按察司知悉。查接管卷內。據該司詳甘泉縣民胡老庖仔。起意糾約歐鐵褲仔小馬等。謀殺于謂成。歐

鐵褲仔取供後在監病故核擬請

題

一案查此案從犯歐鐵褲仔小馬縱姦本夫吳德周姦婦吳周氏均已病故現犯胡老疤仔按律擬斬徐

二徐缺嘴逢

赦援免案懸年久該府縣本應早爲清理今細核案情其中尚有疑竇如所稱咸豐九年十月二十八日歐鐵褲仔令小馬約于謂成晚間說話一節查胡老疤仔因于謂成屢次詐鬧起意將其致死除害歐鐵褲仔亦因與于謂成口角爭鬧挾有夙仇小馬如何將于謂成騙至小坡灘攜燈照行于謂成何遽貿貿然來致被謀害其可疑者一也又歐鐵褲仔俟于謂成走過卽在背後將其掌跌倒地順搭其頸于謂成聲喊

撫吳公牘

卷之五

七

歐鐵褲仔又趁勢騎壓于謂成身上將其腎囊用力一抓于謂成卽不言語一節查于謂成年方強壯歐鐵褲仔僅爾背後一掌何能令其傾跌倒地其可疑者二也小坡灘既四無人居又無樹木于謂成有燈可照若謂未見歐鐵褲仔試問歐鐵褲仔隱身何處若謂既見歐鐵褲仔則于謂成豈有見仇人而不隄防之理其可疑者三也歐鐵褲仔從背後掌擊則于謂成應該身覆在地何以歐鐵褲仔既騎其身并搭其頸又似于謂成在地仰面者其可疑者四也歐鐵褲仔既搭于謂成之頸矣何以能回身抓傷其腎囊雖鞭之長不及馬腹其可疑者五也歐鐵褲仔身上既無兇器是以一人敵一人何以于謂成任聽騎壓

抓搭並不回手。歐鐵褲仔身上亦並無一傷。其可疑者六也。以理推之。小馬定必在場幫同揪按。現將小馬照從而不加功。律擬流。似覺情重法輕。又歐鐵褲仔令小馬叫胡老疤仔前往查看。胡老疤仔攜刀偕至。因于謂成氣尚未絕。慮其醒轉。又恐有人認識。將刀砍下于謂成頭顱一節。查歐鐵褲仔既將于謂成腎囊用力一抓。于謂成即不能言語。令小馬向胡老疤仔告知。何以胡老疤仔仍須帶刀前往。且于謂成如果喘息僅存。不難立時使之氣絕。所稱慮其醒轉亦屬扭捏。是否刀係歐鐵褲仔攜帶。抑係胡老疤仔本屬在場案關。謀命重情。犯供種種支離。設奉部詰。恐費周章。合行簽飭。簽到該司。即便飭府遵照指飭。

撫吳公牘

卷之五

五

各層。再提現犯胡老疤仔等。訊取確供。按擬具詳。由司復核。另詳察辦。此簽仍繳。

簽臬司

簽崑山王劉氏故殺親夫王振庸身死。又湯二等同謀共毆朱瀾翔身死。二案審擬簽飭研訊。受擬解勘。

簽按察司知悉。查接管卷內。據該司詳崑山縣民婦王劉氏。故殺親夫王振庸身死一案。又湯二等同謀共毆朱瀾翔身死一案。審擬緣由各到院。經前護院提訊。供詞均屬拉雜。移交本部院核奪等因。查王劉氏原招該氏與同村金好通姦。已拒絕二十餘年。何以金好不先不後於該氏致斃其夫。王振庸之次日。

適往看視該氏捏稱王振庸發痧身死金好何以全
不查問卽自走回湯二案內據原謀金好供稱該犯
先與王劉氏姦好拒絕多年朱瀾翔亦與王劉氏有
姦王劉氏之夫死後朱瀾翔常去姦宿該犯有時亦
到王劉氏家閒走常被朱瀾翔斥罵心裏氣忿起意
捉姦毆打等語是衅起妬姦已屬情見乎詞究竟湯
二一案是否謀毆抑係謀殺應再確訊至王劉氏將
本夫王振庸勒斃據供被王振庸常說不端打罵想
是有所風聞後因牛未牽進被罵該氏一時起意獨
自揪住繞項髮辮扭勒致斃若無在場幫同之人該
氏縱有此毒心無此辣手且王振庸旣非醉後不慮
力之不敵乎供情亦屬扭捏似此情重命案若不澈
究明確按律擬辦何以伸

撫吳公牘

卷之五

六

國法而懲淫慝合行簽飭簽到該司卽飭蘇州府遵照提
集王劉氏湯二兩案犯證悉心研訊務得各確情分
別妥擬解候勘辦毋稍枉縱率延切切此簽仍繳

計發兩案長詳書册小看五件

簽臬司

申禁需索串票遞呈相驗各項雜費由

爲通飭事照得本部院蒞蘇以來所有本衙門暨司
道衙門陋規爲各州縣之累者均經革除淨盡去年
重定地丁錢糧章程復

奏加每兩二百文以資各州縣津貼辦公之用其所以
委曲體卹者亦旣無微不至各州縣俯仰有餘亦當

體本部院之心以體卹百姓斯無愧父母斯民之職
乃密查各牧令求所謂實心實力爲百姓興利除弊
者殊未易見卽如錢糧一項櫃收洋銀原按市價長
落不許短作洋價高抬銀價今訪查各屬去年徵收
情形其櫃收與市價並無低昂者不過數處其餘洋
價均有短作自五文十文以至二三十文不等其尤
短者則崑山於本洋短至五十文而新陽乃短至六
十文且崑新於英洋均短作錢六十文尤堪詫異又
如串票錢原定官給五文之外不准絲毫浮取今訪
查各屬每票一張書差有索至數文至十餘文以至
數十文不等且有小民自封投櫃而書差故意刁難
勒措如崑山新陽太倉寶山等櫃者更有寶山劉家
灣一帶書差於每銀一錢收錢二百二十文之外浮
收腳費至一百二三十文之多仍須索取串票錢二
十文者又如詞訟一項前經嚴禁傳呈坐差鋪堂等
費不准絲毫訛索今訪查各屬惟吳江懸牌審案每
案給書差飯食錢一二千前嘉定令簽差下鄉按日
給錢一百四十文鎮洋令按日給錢一百二十文稍
免擾累外其餘各屬遞呈簽差鋪堂仍不免暗中訛
索甚則如寶山之傳呈費有全號半號內千三外千
三名名目又奉賢縣差傳喚被告有花至數十千其
堂費亦自四五千以至八九千不等更有各縣相驗
費仍行取給地保尤爲蘇屬所僅見總由各州縣視
百姓之疾苦如秦越人之視肥瘠故於宦索則計較

撫吳公牘

卷三九

錙銖於書差則任聽臆削殊大負本部院體卹各州縣之意本應擇尤記過以示薄懲惟念各州縣平日讀書未嘗不志在循良儻再三提撕或者冀其能由悟而悔由悔而改今再與寅僚約此後徵收錢漕於定章之外如有短作洋價及任聽書差索取申錢並刁難勒指者一經訪實卽當照例嚴參至於詞訟惟代書戮費量立限制聽取一二百文外其傳呈費卽當嚴密查禁至簽差鋪堂等費應仿照吳江鎮洋章程捐廉酌給庶書差無所藉口而小民得免擾累其書差之勤慎辦公者尤應捐廉酌賞以昭激勸如有借端需索者重懲一二以儆其餘總在各州縣潔己以清其源明察以釐其弊信賞以服其心必罰以破

撫吳公牘

卷之三

六

其黠斯錢漕詞訟不致爲小民身家之累而教養實政可以次第兼施廟各懷遠大之志毋但存計較之私本部院有厚望焉儻仍不知愧奮則蘇省候補人員項背相望諒不至無翹然特出之良司牧也勉之
懷之札到該司卽便通行知照切切

札蘇藩司

撫吳公牘卷之三十

飭令封閉錫金太湖等處尼庵

爲札飭事。照得佛門原清淨之區。豈可納污藏垢。女僧以修行爲願。烏容賣俏誨淫。乃訪聞錫金太湖等處尼庵。有所謂師姑者。妄托香火。因緣居然。青樓面目。招引少年子弟。盡入迷途。頓教禪院莊嚴。化爲穢地。傷敗風俗。端人咸切痛心。褻瀆神靈。菩薩亦當怒目。甚而釀成命案。尤應嚴速驅除。合行札飭。札到該司。卽便委派廉潔幹員。會同廳縣。照後開錫金有名各庵。并太湖等庵。清查封閉。妥令該尼還俗。從良。庶幾慧劍一揮。情魔永斷。不獨眾生免沈孽海。卽舍利亦放光明。所有屋宇租石。一概歸入義學。如有劣幕撫吳公牘

卷之三十一

一

劣矜。從中庇阻。并卽一體嚴辦。其書差人等。尤不准藉端滋擾。致干嚴咎。仍飭印委。將查辦情形。隨時稟覆察奪。切切。此札。

札蘇藩司

計開

上映山庵

下映山庵

寶珠庵。並在惠泉山

清甯庵

永凝庵

玉泉庵。並在城內

以上六庵均在無錫境

青林庵

在城內

青蓮庵

在北門外亮橋後

圓通庵。在裏黃泥橋。東堍。與和尚庵名圓通者別

以上三庵均在金匱境

再查洞庭東山尼庵。多至二十餘處。均與錫金尼庵

情形相同均應查禁封閉

咨行飭議印官相驗差保需索章程並沛縣記
過由

爲札飭事案據沛縣稟訪聞差保趙振等藉案詐贓稟明另行詳辦一案查此案尙有該處鄉民陳占升被派錢九千文余成貴被派錢五千文陳田被派錢七千文其鄰右之被派者尙有數十千文該令並不詳悉查明檢舉殊屬憤憤姑從寬記大過一次以示薄懲除咨督部堂外至江蘇各屬印官下鄉相驗踏勘地保差役往往藉端需索甚至數十里之外尙有被其指派者應如何明定章程嚴行禁革此弊庶可永遠革絕合行飭議札到該司即便遵照

撫吳公牘

卷之三十一

二

會同藩臬司刻日妥議章程詳覆察辦一面將該縣記大過一次註冊飭遵毋違此札

加函

州縣下鄉相驗無不取之於民以致輾轉株連良懦受累訪聞江北有數處州縣凡遇百姓報命到官他班書差卽向值日書差道喜并送酒席花燉值日書差俟得利後卽十倍其值以謝之明目張膽以人命爲利數殊堪痛恨卽如沛縣此案經做處訪聞差保藉地方官下鄉相驗索詐錢至百數十千之多近自數里遠至數十里無不被其擾累嚴切札查該令始自行檢舉猶復漏匿不肯盡陳一縣如此他縣可知我輩與百姓相隔太遠百姓卽受些委曲亦惟有忍

氣吞聲。又何從向我輩而呼籲耶。鄙意惟有明定章程。一切屍場使費。由官自給。勒石示眾。庶幾不致累及無辜。附呈屍場使費一單。祈爲酌定。如果可行。卽當通飭遵照。總之州縣遇此等案件。一在速審。蓋釀事之初。訟棍主意未定。屍親天良未漓。平心靜氣以求之。易得癥結所在。一在速行。卽報卽驗。屍身不致發變。兇器容易勘合。證人均未遠離。可免憑虛搜索。一在少提人屍親控告。多半擇肥而噬。除爲首一二人外。餘皆不必牽連。以免拖累。一在少帶人。下鄉相驗。左右必聳息。以鄉民蠻悍。宜多帶護衛。虎狼之勢。頃刻生風。隨從多則需索亦多。於是民始不堪。命一在忍臭穢。無論屍身如何變壞。必須按照洗冤錄。親撫吳公牘

卷之三

三

自推求。然後胸中確有把握。地方官儻能如此認真。獄必得情。案必易結。既不致牽累無辜。又不致波及鄰右。可否照此通飭之處。卽請核奪示知。幸甚。

差保勒派屍場使費某某出錢幾千某某出錢幾百縣令尚且不知公於千餘里外何獨知其詳晰。乃爾勒少仲方伯曾爲余言。禹帥撫吳時。各屬州縣合眼開眼。總若見一撫臺在前。又補帆中丞言。請假旋鄉時。曾見一地棍以紅糖水碰人。傾潑訛索。鄉愚旁一老人嘆曰。若丁撫臺在此。爾何敢如此。卽此編觀之。蓋所以使吏畏民懷者。非偶然也。

批碭山縣申兩次奉札。及到任後。擬將地方公

事逐漸整頓清釐由

據申已悉。場山公事廢弛。皆由各前令任聽劣幕蠹書朋比爲奸。以致如此。該令心精力果。自揣能於兩月內辦有端倪。諒非虛語。務期實心實力。逐事整頓。清釐庶地方公事。得以漸有起色。至所有積案。務望遵照限期。趕緊辦理。以免貽誤。刻下降人散勇紛紛回籍。該縣地連數省。風俗强悍。並宜加意防範。以消亂萌。虞升卿云。盤根錯節。以別利器。本部院當拭目以觀新硎之發也。勉之望之。至該縣寨王關大邦邵楷等。素好出入衙門。包攬詞訟。現在能否稍爲斂迹。該令並即確查密覆。繳。

通飭各州廳縣將嚴禁自盡命案圖賴告示捐

撫吳公牘

卷之三十一

四

廉勒石

爲札飭事。照得江蘇地方。每有自盡圖賴之案。江北尤甚。大爲民累。業經本部院會同爵閣督部堂。頒發告示嚴禁在案。近月以來。此風稍息。是文告之用。尚可藉以啟迪愚頑。保全良善。惟是惡習相沿。已非一日。欲使痛爲湔滌。尤應垂示久遠。合行札飭。札到該某。即將舊發嚴禁自盡圖賴告示。捐廉勒石。其現有城隍廟者。立石廟門外。或立石城門外。務使萬目共覩。百年不刊。諸君現宰官身。具菩提願。他日去思有碣。遺愛有碑。諒不惜分一勺之廉泉。爲地方省無窮之人命也。其示文勒石後。仍即搨送備查。此札。

札蘇江各州廳縣

咨行山陽縣等分別記功記過

札飭。爲咨會事。九月二十九日。據淮安府詳稱。各縣詞訟月報。核其勤惰。照章分別請記功過等情。到本部院。據此。查山陽縣核計三箇月。除註銷外。結案已在六成以上。而且截至七月底止。現存只有四案。應記大功一次。清河縣除註銷外。結案不及二成。阜甯縣除註銷外。結案不及三成。均應記大過一次。以示薄懲。除咨會督部堂查核外。合行札飭。札到該司。即便遵照。由司分別註冊。飭遵毋違。

札江藩司

批崇明縣詳典商月捐一欸。可否援照舖布等捐一律停免由

撫吳公牘

卷之三十一

五

典商月捐。固應停免。該典送縣中節壽月費。亦應一律停免。庶不偏枯。仰蘇藩司核飭該縣擬具示式。呈送查核。勿遲繳。

批蘇藩司詳屬報詞訟核計功過一案。遵飭酌

議請示由

據詳已悉。各屬詞訟。凡三個月內。原報二十起以外。雖全數訊結。似可不必記功。四十起以外。訊結十成。五十起以外。訊結至九成以上。及一百起以外。訊結至六成以上。月少一月者。均准予各記大功一次。餘如所議辦理。仰卽遵照。仍報明督部堂。並候批示。繳批江陰縣詳議。按田捐辦積穀。由佃扣留代繳。

錢文由

該縣捐辦積穀所議由保甲按戶收繳及眷佃扣留代繳二層均迹涉繁瑣且易滋弊竇得難照行仰蘇藩司刻日查照本部院前定各縣舊案核議簡受章程詳覆飭遵毋遲繳

批山陽縣詳委驗清邑監犯葛恆磬病故驗訊

由

案據清河縣驗訊通詳當查情節支離恐有不實不盡於六月十八日明晰批司飭再研訊擬解在案迄今三月有餘未據訊擬詳解茲據詳該犯葛恆磬在監病故該縣於本部院批飭研訊要案置若罔聞必待人犯瘵斃無可推求試問是何辦法前據銅山等縣會稟酌擬將管獄官請記功過業經批司核議此

撫吳公牘

卷之三十

六

案有獄管獄各官應如何分別記過之處仰按察司一併議復核奪一面飭速比差勒拏逸犯夏鑾等務獲研究確情按擬詳辦並將葛恆磬病故緣由核入辦理暨行山陽縣知照仍候_請部堂批示繳格存

簽飭鹽城周大圖船謀害劉文壇等一案審擬

由司覆審

簽按察司知悉據該署司詳鹽城縣客民周大先後圖船謀害劉文壇等非一家三命一案審解到院據此查該犯周大謀害劉文壇等非一家三命意在得船賣錢乃起意將陳小墜子一併致死之時已預備將船賤價賣給周玉堂塞口周玉堂船價該犯又迄未討回案情已屬支離至周玉堂一犯據稱因見周

大等將陳小墜子像要致死上船跪求供詞扭捏既已貪利買船謂無同謀加功豈能遽信乃輒將周玉堂遞籍取保於同治五年春殞命並無身死月日該縣又未將掩埋處所勘明亦屬罅漏至劉文壇陳小墜子先後被撩入河一係縶手一係縛腳夏志祥被該犯用煙土和在茶內灌下毒發推落塘河似均斷無生理但劉文壇等落河之時究未氣絕身死設或其中竟有遇救得生將來辦理不無周折各屍既無撈驗陳克清又無獲案現犯罪干斬決案關請

旨定奪似亦不能不畧費推求也此外含糊閃爍之處指

不勝屈本部院綜核全案該犯之凶很殘忍斷難貸其一死但供情既甚屬離奇引斷即恐有遷就合將

撫吳公牘

卷之三十一

七

原詳冊解批發簽到該司立即遵照督同委員再行捉犯虛衷研鞫務得確情錄取切供並飭查周玉堂身死月日勘明埋屍處所暨查核該前縣詳送勘圖由司受敘詳解以憑提勘

奏咨勿稍率延切切此簽仍繳

計發詳冊解批五件

簽臬司

批沐陽縣稟風俗民情及到任後一切整頓緣

由

據稟均悉該縣清理詞訟兩月內訊結及息銷者百餘起尙屬勤奮監生周紹虞頭役蔣容既經先後分別訪辦斥革生員黃汝棟頭役沈洪近雖稍知斂迹

仍應隨時留心稽察勿稍疎縱如查有劣迹卽行嚴辦來稟所稱臨民以寬馭書役以嚴已得從政綱領昔人謂衙門外寬一分百姓受一分之福衙門內嚴一分百姓受十分之福眞屬要言不煩至嚴辦盜賊固不待言訟棍刀筆生涯變亂黑白其居心較盜賊爲尤險其流毒亦較盜賊爲倍酷若容此等莠民聽其在境內蝨食百姓又安用地方官爲耶賞原差一節甚善馭差役必先重賞而後可加以重刑賞當其功罰當其罪心旣帖服自不致激成他變教養非眞循吏不辦先養後教卽養卽教該縣其勉圖之一邑中有可矜式者獎一勸百轉移最速蠶桑有宜有不宜紡織似到處可行女紅能勤亦足佐生計而免凍餒因利而利則令如流水視乎良有司之心力所到不必盡有成法也依仿不善適爲厲階仰卽知照仍將辦理各情形隨時縷稟察核繳

飭禁上海船埠名目

爲飭查事照得上海船埠積弊已甚行旅商民同深憤恨現經革除之後訪聞該處有一等埠役船夫串同把持高擡船價每遇官場喚雇特肆刁難以示埠不可革弊將益甚希冀羣言聳聽重復舊規其實生意場中雇用船隻並不昂貴舊時埠夥仍復擺設私攤繕給小票惟行用扣錢較前畧減此其蹤跡之詭居心之惡尤堪痛恨本部院爲便民起見豈容此等刁徒肆行把持合亟札查札到該道立卽督縣查明

現在擡價把持。是何船戶出頭。準役何人暗中主使。密訪嚴拏。盡法懲辦。一面將船價等差酌議定章。各種大小船隻。皆以船夫之多少。定船值之高下。每夫一名。應給價若干。務從平允。不得苛刻。亦不准該船戶任意高擡。如果船戶與雇客。實有不能自相裝攬之處。准該地方官察看情形。另招殷實老成之經紀。由縣驗充。代客承雇。其抽提用錢。每千不得過七十文。明立限制。不准再有船埠名目。亦不准從前埠夥丁役。更名復充。並永禁拿差貼差名目。以絕弊端。該道務卽督縣妥議具詳。以憑核奪。飭遵切切毋違。

札蘇松太道

札飭裁革清江小車行頭名目

撫吳公牘

卷三十一

九

爲飭禁事。照得清江腳夫小車。向設行頭訪聞。專以剝削車夫。剋扣錢文爲事。王營至清江七里。如店家綢緞等貨。每車四百二十文。別貨每車二百四十文。其實歸車夫者。不過四五十文。餘皆歸之車行。過客行李。每車亦約扣數十文。試一計算。其利何可勝言。車夫之困苦已甚。若輩之慾壑無窮。究其由來。則以該地方官衙門丁役。及佐雜衙門。各有規費差費。爲數甚鉅。無不取之車行。以致該行藉詞科索。積弊相沿。實堪痛恨。查王營距清江不遠。鄉民推車絡繹。道旁來往商旅。不難自行裝雇。又非大車遠道。及水路雇船。須由車行船埠承攬。情形可比。本無庸設立小車專行。徒滋騷擾。合行札飭。札到該縣。卽督縣將

脚夫小車行頭立行裁革一面出示曉諭其王營至清江裝載貨物行李聽車夫與過往行商自相雇載務從平允不准苛刻如有行夥人等從中阻撓及丁胥差役需索規費差費等項立即嚴提究辦自後遇有差使一併照給車價不准再有拏差貼差名目以絕弊端而示體恤仍將遵辦緣由具復毋違切切特札

札淮安府清河縣

常昭二縣會稟境內得雨過多請開白茆大堤

以消積水由

現在蘇常石關尚未建築若將海口大堤敞放洩水不特有誤興建且恐渾潮內灌自當可守則守仰蘇撫吳公履卷之三
十
藩司遴委委員刻速前往會同常昭二縣赴鄉察看被淹情形酌量辦理如非萬不得已毋庸輕易放堤仍飭將商辦緣由馳報察核毋違此繳

札蘇藩司

加函

前日弟親往查勘時兩岸尚是一片汪洋然水有去路疏消尚速迨至大堤前後兩堤左右已露禾苗經面屬該令等可守則守矣今早雖有陣雨水漲亦復無幾尊處接文後望即由內起稿繕寫一面先傳委員諭令本日即起程會勘計委員傳到文件亦必辦就千萬不可發房擬稿緣文件一經發房便有官氣轉轉幕友門上之手非二三日不能了此句當矣

松滬捐釐總局蒞道稟遵批交卸回籍一切局務就近交杜道接收由提調稟商辦理由

如稟辦理該道公爾忘私離鄉多年此時不能不暫行回籍一俟葬事料理清楚望卽及早出山匪惟本部院借重長才卽江南北士民亦共望隨車甘雨也

松江府稟刊印臥碑文分給諸生並飭屬將廩貢生監詞訟按季造冊詳送由

該府刊刻臥碑文分頒諸生觀習使之各守本分並令於書院月課卷尾默寫碑文一條以規其平日曾否省覽洵爲整飭士林良法應卽照行至廩貢生監干預詞訟最爲惡習應照章飭屬將被控控人及他

撫吳公牘

卷之三十一

十一

人詞訟作證者分爲三項按季開冊通詮存案並詳請學院於歲科考試及錄遺時兼查此冊以定去取俾知品學分重爭自檢束以端士習仰蘇藩司移會江藩司一體通飭遵辦並由司將前刊臥碑文板片發交省城書局多爲刷印送司通頒各屬轉給誦覽該府另單所請

聖諭

廣訓等書已札飭書局刷印逕送矣并飭知照仍候

青浦縣稟重建陳忠裕公祠堂並請列入祀典

春秋致祭由

青山不腐傾懷向日之葵碧血如新回溯疾風之草非獨流傳竹帛亦且儀式邦閭明故兵部侍郎陳忠

裕公。二陸才華。三吳壇坫。字題衣帶。在聖賢命志之初。身託露車。臨滄海橫流之地。既恥生爲庾信。遂能死從彭咸。

賜諡

皇朝宣名史館。鄉大夫沒而可祭。微斯人其誰與歸。若故考功司夏忠節公父子。抗聲白社。接武黃門。憤氣虹噓。高宋之悲歌。易水危塗。玉立南雷。之併命。睢陽卞壺一家。田橫二客。誓俱焚於芝蕙。起同敬於梓桑。功在人倫。誼先國故。過夷門之道。尙想衣冠。留伍相之祠。特延俎豆。攸關忠烈。宜播芳風。仰蘇藩司。檢查志乘。所書各事實。應否列入春秋祀典。並如何祔祀之處。察核例案。妥議詳覆。繳

撫吳公牘

卷之三

三

札委徐令炳奎帶同眼綫馳赴常熟江陰密查
逸盜窩家及豸盜捕保追起原贓稟解查封
窩主房屋聽候飭燬由

爲札委事。照得弭盜所以安良。而弭盜之方。首須拏辦。主謀窩家。豸盜捕保。本部院披閱各屬近來報盜被劫之案。層見叠出。而破獲者甚屬寥寥。卽如震澤縣徐姓。元和縣金姓。兩案贓以千計。時及半年。始經各該縣並委員獲到積盜張二老。老塘裏阿方等。嚴訊究辦。惟該盜犯四處劫掠。黨夥眾多。窩盜之家。聞在常熟縣境徐市鹿苑合興江陰縣境竹堂等鎮。而徐市爲逸盜韭菜阿二存頓之區。尤爲盜藪。並聞常熟縣捕唐忠章兆。徐市地保徐和尚。合興地保聶謹

慎等。平日叅盜分肥。臨時通風縱逸。若不嚴拏。速獲
弁究嚴懲。將何以戢盜風而安良善。除飭元和縣將
已獲各盜犯。訊取確供。究報外。合亟委飭。札到該員
立卽束裝。帶同發交的確眼綫二名。馳赴常熟。江陰。
會同各該縣。選派幹練丁役。密往各該處。不動聲色。
躡緝根拏。務將逸盜窩家。及叅盜捕保。悉數擒獲。追
起原贓。稟解究辦。窩主房屋。一併查封。聽候飭燬。如
有土匪地棍。庇匪阻撓。亦卽知會所在知縣。汛官營
弁。添派兵役。隨同拏解。該員平日辦事勤奮。不辭勞
瘁。是以特委捕拏重案。務宜慎速破獲。馳報以聞。勿
稍泄延。是爲至要。切切特札。

札管帶親兵營候補知縣徐令

撫吳公牘

卷之三十一

三

加函

昨日面詢眼綫徐順邱阿七等。據稱盜窩雖在常熟
江陰。而犯案則全在浙省嘉湖二郡。江震等處。亦偶
有之。至本縣境內。不惟無劫案。而且無竊案。所以土
人心皆德之。遇官府訪緝。無不代爲隱瞞。各盜以非
菜阿二朱和尙爲聲氣最通。本事最強。做案亦最多。
欲破此案。必須神速。否則彼必得信先逃等語。其言
似無虛飾。經做處每人各先賞洋銀百元。許以破案
再加重賞。茲將該眼綫二名。派親信戈什送交尊處。
另二百元卽爲足下盤川。以免赴司具領。致多轉折。
又附致常昭釐局錢太守一信。儻尊處賞號。以及捕
費綫費。萬一不敷。卽可就近取用。外常熟昭文江陰

武營各件文函。并祈斟酌送投。誠恐該盜邀同土人。臨時拒捕。不能不預備不虞也。足下接信後。卽由親兵營挑選精勇數人。卽刻起行。不必到敝處稟辭。亦不必到各衙門稟辭。以致走漏風聲。眼綫祈善待之。敝處覓此數人。甚不容易也。

嘉定縣詳四月分詞訟監押並藩司公文各册
由

該縣册報。逼醮藏妻之案頗多。雖案情虛實不同。而風俗之不純。已可概見。應須設法善爲勸導。以端風化。至四月分。曾否奉到本部院衙門公文。來詳未據聲明。仰卽查明具覆。仍候督部堂批示。繳册存。

金壇縣詳四月分詞訟監押册由

撫吳公牘

卷之三

六

據詳已悉。該縣訟案不多。自應隨到隨結。何以二月初間。姚開南控唐益貴誘逃一案。兩造均已到案。而被告復又逃避。是否原筮張新賄縱。以致各證反受羈延之累。仰該府飭卽分別嚴比勒交。同未結各案一併迅速斷結。毋稍拖延。仍飭將辦理此案情形。先行稟復察奪。併候督部堂批示。繳册存。

駁金匱張三禾等聽從華銀觀謀毆致傷華雲
洲身死案由

簽按察司知悉。據前署司詳金匱縣民張三禾等。聽從華銀觀謀毆致傷華雲洲身死移屍不失一案。訊擬緣由。經前護院提犯勘訊。未及具

題。移交到本部院。准此。查此案既由前護院親提勘審。

供與司審尚屬相符。自應據供定讞。惟查該犯張三禾已於同治五年在縣供明父張華喜年五十六歲母張華氏年五十八歲弟杏春年十七歲現供父故母年七十二歲並沒兄弟。是否現在父弟俱故。何以核計母年不符。顯有捏混。應卽由司訊明更正。毋庸俟秋審時查辦。至屍弟華廷橫據供華銀觀如何商允張三禾並汪金漑要把哥子毆打出氣。又如何遇見張三禾等斥罵揪扭跌倒撲壓。搭傷哥子咽喉身死。都沒曉得求究抵等語。是張三禾如何聽從華銀觀將華雲洲毆打。及如何下手致傷華雲洲身死。屍親均不知情。屍妻華朱氏等前經屢次來轅控告。現在犯既訊明擬辦。查核屍弟華廷橫供詞。是否不致事後翻控。亦應訊取切實供結申送。以憑核明具題。倘其中尚有參差不妨申請更正。合行籤飭簽到該司卽速遵照辦理。具覆濡筆以待。毋稍稽延。此發。仍繳。

撫吳公牘

卷之十

五

簽臬司



